


正編

卷四十八之六十三



中興禮書第四十八卷

吉禮四十八

明堂議禮四

紹興四年六月十八日兼權太常少卿太廟景靈宮提
點江端友狀伏見紹興元年明堂大禮前一日饗太廟
不祭七祀及功臣今年九月復行明堂大禮已具申奏
乞依禮典仍舊設祭未蒙頒降指揮竊以七祀雖神之
小者國朝以來未嘗廢其祀功臣皆食祖宗有年一旦
斥棄之非所以示報功褒勸勞能之義五禮新儀七祀
功臣各用羊二所費甚微有司但知惜費不顧廢禮以
先王為民求福之義臣竊恨之孔子曰爾愛其羊我愛
其禮正此之謂也謹按三禮義宗曰七祀者為其有居

處出入飲食之用故祭之以報其德若有疾病則求之
若有瘳損則報之在禮歲當一祭今三歲一祭自疏矣
書曰予其大饗于先王爾祖其從與饗之作福作災功
臣皆賢者豈有作災之禮然聖人之言如此盖有不可
知者所以聖人謹之重之五行傳曰簡宗廟廢災水不
潤下宗廟豈肯作災於人盖人事不修則災祥自然應
之也然則祀祭之於國家所繫甚大豈可因循廢弛也
哉臣愚欲乞將來饗廟依典禮祭七祀并以功臣配食
祖宗朝旨後指勘會已降指揮依紹興元年禮例並不
排辦送禮部行下本所照會

七年三月二十七日禮部太常寺言紹興四年大禮討
論議定行下明堂大禮兼祀百神緣今年係大禮年又

迎奉宗廟赴行在亦合親祠禮比之紹興四年禮教不
同理合預行申明詔令禮部太常寺限十日同共討論
合行是何典禮聞奏禮部太常寺討論竊詳郊祀明堂
皆配天之大禮建炎二年嘗行郊祀當時尚有樂舞鹵
簿之類然以禮文不備議者猶不以為當若謂紹興元
年四年兩行明堂今次合行郊祀則國朝故事仁宗皇
帝皇祐五年祀南郊嘉祐元年行恭謝四年行禘祭七
年行明堂禮蓋嘗踰九年而不再郊兼自來郊祀依典
禮皇帝自大慶殿服通天冠絳紗袍乘玉輅備大駕車
輅鹵簿儀仗仗六引詣景靈宮太廟壇設宮架樂舞皇帝
服袞冕行禮即今車輅法物儀仗壇壝齋宮望祭奠之
屬悉皆未備若創行修製宮建不惟猝難辦集兼恐不

應典禮所有將來大禮欲依前後臣僚所請合祭昊天上帝皇地祇以太祖太宗配侑兼祀百神於禮為便其郊祀合用儀物等纔候今次禮畢乞朝廷指揮討論典禮修製以待後次郊祀行之亦未為晚又有以見欽天謹重之意詔將來行明堂大禮其合行禮儀令有司限一月條具聞奏

四月九日太常少卿吳表臣言臣仰惟國家受天眷命鴻祚有開故自祖宗以來每遇大禮前三日於景靈宮朝獻聖祖天尊大帝前一日朝饗太廟渡江以後太廟景靈宮暫迎奉在他州故大禮前止於遣官分詣而已今來宗廟已迎赴行在奉安合前一日車駕親詣太廟行禮外竊見昨因臣僚陳請每遇四孟已與射殿設位

行景靈宮位皇帝親行朝饗庶幾躬事之禮並舉而不備廢仰稱陛下欽宗之意其用祭器大樂皆可就用不俟創造止合製禮神玉四圭有邸一亦易為應辦惟睿慈詳擇太常寺狀一檢會皇祐大饗明堂記齋先大饗七日質明太尉誓戒百官於尚書省曰今年九月二十七日皇帝有事於明堂先二日薦饗景靈宮先一日薦饗太廟各揚其職不共其事國有常刑致齋三日於文德殿一日於太廟一日復于文德殿一檢會皇祐二年九月二十五日以大饗明堂具大駕鹵簿赴景靈宮行薦饗食畢齋於太廟翌日詣七室行朝饗之禮本寺契勘自來每遇大禮依舊例前二日朝獻景靈宮前一日朝饗太廟今看詳本官所乞依得自來舊例詔依

十六日吏部員外郎鄭士彥言國莫重於禮禮莫重於祭天地宗廟禮之最重者也是以三代而上率為常祀一歲徧祭皆人主之所親行自漢唐以來威儀寢盛費用日廣一歲徧祀之禮不可復行於是三歲一講大禮合祭天地從祀百神一有闕焉則於人情有所未安嘗考國朝舊典冬至南郊兼享天地配以祖宗百神徧焉若或有故改行他禮必曰明堂凡明堂所用皆南郊禮樂神位自皇祐遵用此法議者至今稱頌最為得宜恭惟皇帝陛下自履艱難治兵除戎日不暇給方且寅畏天地嚴奉宗祏將以紹復列聖之休可謂知先王治道之本矣然紹興行禮止設四位百神有所未及臨安行禮雖及百神星位有所未徧伏覲詔旨將以九月有事

於明堂臣愚伏願申命禮官講求典故俾泛設星位無不咸秩庶有以俯合人情仰符天意以稱陛下精誠昭格達於上下不為一代之闕文詔付禮部同太常寺照紹興四年例討論申尚書省

二十一日禮部太常寺言檢會昨紹興四年明堂大禮所設從祀百神四百四十三位係將內壇之外無名衆星共減三百二十四位今討論若依鄭士彥所乞合創造祭器添差行事官及製造祭服添置贊引人等數多兼目今行禮殿供設不徧欲乞且依紹興四年所設神位行禮其鄭士彥所乞泛設星位欲俟後次大禮預行討論申請設位製造排辦詔依

五月二十八日禮部太常寺言自來大禮前一日朝饗

太廟依儀合設之并配饗功臣位於殿下差官行禮昨紹興元年并四年明堂大禮前一日朝饗太廟係朝廷差官前去温州太廟奉安所分詣行禮其七祀配饗功臣並不曾排設所有今來明堂大禮前一日朝饗太廟係依舊制皇帝親祀行禮其七祀并配饗功臣欲乞依自來大禮體例排設差官行禮詔依熙十年三年九年淳六年九年徽此

中興禮書第四十九卷

吉禮四十九

明堂議禮五

紹興七年六月二十六日中書舍人傅崧卿言臣恭觀近降御札以今年九月有事於明堂臣從禮官聞以討論施行次第止欲依前後臣僚所請明堂合祭昊天上帝皇地祇以太祖太宗配侑兼祀百神復因吏部員外郎鄭士彥建言紹興四年臨安府行禮雖及百神而星位未徧願申命講求况設星位事下禮官以謂儻依所乞增設內壇之外無名衆星二百四十有四位則用祭器祭服又行事官贊引人等數益加多勢難猝具請湏後行之增未聞以奉近道君皇帝并侑上帝為請者臣

竊唯明堂之禮主於嚴父配天周公之所行孔子之所
言蓋當萬世奉以周旋而勿失者也歷教漢唐行禮異
此則指以為非循此行之則咸以為得禮之正在唐顯
慶以高宗配五天帝而太宗配五人帝降在側座其說
特承鄭學之謬謂周以文王配五帝於明堂之上武王
配五神于堂下屈尊敵卑議者以為非經本指至若漢
永平之祀帝明堂配以光武唐神龍則配以高宗永泰
配以肅宗元和配以順宗合於禮經無得訾焉本朝皇
祐中創議明堂大享合祭天地而以祖宗並配特出于
權時之宜熙寧據經首加釐正迺推英宗專配上帝元
祐之初登用故老熙豐故事往往改從祖宗之舊獨明
堂禮踵而行之無所更易是以當時歲事禮成加恩大

臣中書舍人蘇軾典司告命行呂大防制則曰有事總
章升侑神考韓維制則曰於訪落之初躬總章之祀追
嚴列考以侑上帝蓋終元祐三世莫之有革以及於宣
和昨者陛下駐蹕浙東以時事方艱未暇親郊重以道
君皇帝遠狩朔漠合宮之禮泥古有嫌是以姑循皇祐
舊典仍以天地合祭祖宗並配蓋亦出於權宜非以為
永制也今不幸道君皇帝諱問奄至仙馭自沙漠遠涉
而在天矣而季秋大享仍用紹興元年四年之所已行
止設正配四位而不及道君皇帝理實有未安者恭惟
陛下申命自天貴為天子十有一年矣以道君之狩於
北也曾未獲致以天下養於一朝夕之間臣知聖心每
痛憤而未嘗忘也茲行明堂之禮而有司又未以嚴配

為請豈理也哉意者以郊親尚非其時若專行嚴父之禮則天地之祀疑於簡闕或又謂喪三年不祭唯天地社稷可以越絳而行事若專舉嚴配則有未當告祭之嫌故遷就而為此必欲兩盡為宜即禮之權寓禮之正明詔有司於正配四位之外增設道君皇帝一位於太祖皇帝之次以配昊天上帝庶幾聖孝禮經一舉而兼得之抑使六軍萬姓目覩陛下嚴恭道君皇帝如此仰聖孝之無以加人百其勇爭効智力協濟中興之功天下幸甚詔令禮部太常寺同共討論聞奏禮部太常寺奏契勘國朝故事祖宗配侑係令侍從臺諫禮官同議今來前項典禮事體至重合係故事施行伏望聖慈特降睿旨令侍從臺諫禮官令議詔依奏

九

七月十六日權禮部侍郎陳公輔言臣伏觀獻議之臣以陛下今年九月祀明堂欲追奉道君皇帝并侑上帝已奉詔令禮官及侍從臺諫討論臣竊謂明堂嚴父配天周公行之孔子言之與夫漢唐所定之典本朝所議之禮沿易因革固有不同臣皆未暇考訂獨以今日事體言之且三年之喪以日易月始自漢文歷世莫改陛下痛念道君皇帝奄終沙漠所遭變故曩古無比雖俯從羣臣以日易月而宮中躬執三年之喪嚴設几筵朝夕悲慕可謂孝德之至超出前古矣夫喪三年不祭今年所以有事於明堂者蓋以禮有越絳行事不敢以卑廢尊故暫釋凶制權行吉禮豈有陛下方居道君皇帝之喪而道君皇帝神靈方在几筵遽可以預配帝之吉

禮乎况又梓宮未還祔廟未有定議輕舉此事求之禮
經質之人情恐皆未便臣愚以謂今日之事祇以先期
一日陛下盡哀致奠奏於道君皇帝以將來有事明堂
暫離几筵暫假吉服蓋國家故事所不敢廢也既奏然
後即齋宮入太廟行明堂事畢服喪如初斯可謂合禮
之意本人情矣臣竊惟國家之承平幾二百年偶遭厄
會夷虜侵陵今土疆未復廟社未寧道君皇帝梓宮未
還臣竊意天地祖宗上皇神靈所以望於陛下者必欲
興衰撥亂恢復中原迎還梓宮歸藏陵寢以成中興之
功以隆我宋無疆之大業也若以議者之言以陛下貴
為天子上皇北狩十有一年未獲致天下之養今不幸
升遐且欲因明堂之禮追配上帝以盡人子之孝則於

陛下之志恐亦小矣天地祖宗所以望陛下者恐不止
此上皇神靈所以切切然於陛下者恐亦不止此也臣
愚欲望陛下今年明堂依故事以天地合祭祖宗並配
所有追奉道君皇帝升配上帝似未可行臣願陛下
禮之際惻然興懷追念天地祖宗道君皇帝所以望陛
下之意今日國難至此諸事草創不得已勉遵舊典而
已他時奮發勇智力圖治功削平僭偽綏定寰區然後
行合宮之儀舉升配之禮不失所以為嚴父之孝俾天
地垂休祖考來格豈不為威德之大者乎臣偶備禮官
職當討論而愚見如此竊恐羣臣亦有不原今日事體
各懷異議徒惑聖聰臣所以輒竭區區之愚預為陛下
言之伏望聖慈斷以睿衷特賜詳察或以臣所言令一

處討論俾朝廷典禮舉不失宜不為天下後世之所竊
議臣不勝幸甚詔令禮官侍從臺諫討論聞奏
八月五日禮部太常寺昨紹興四年明堂大禮奉聖旨
行禮黃羅拜褥改用緋今來明堂大禮并朝獻景靈宮
朝饗太廟所有拜褥伏乞朝廷取旨施行太常寺供到
太常因革禮景祐五年冬至祀昊天上帝儀注有司上
言伏見壇上昊天上帝皇帝地祇褥以黃配帝褥以緋以
示損於天地皇帝拜及飲福褥以緋以示不敢踰於祖
宗而自小次之至於壇上諸位黃導褥以黃黃道之制
不著於典禮所以藉步而已而反踰祖宗褥位之制又
諸執事之臣從升壇者猶避黃道故旋避回轉至以衣
袂磨拂神位皆所未便臣謂自小次之前至於壇下可

法

以舊製鋪以黃道壇上黃道所宜撤去詔令太常寺禮
院詳定禮官奏堂上黃道皇帝拜位及飲福位改用緋
詔依故事改用緋

十年三年十一年淳熙六年九年並依此制

十二日吏部

尚書孫近等奏准勅中書舍人傅崧卿奏恭親近降御
札以今年有事於明堂乞於正配四位之外增設道君
皇帝一位於太祖皇帝之次以配昊天上上帝詔令侍從
從臺諫禮官討論同共討論聞奏者臣等聞昔周自后
稷始封於郟以有家室而文武之功起於后稷故推以
配天文王受命肇造下方而世世修德莫若文王故尊
以配上帝傳所謂郊祀后稷以配天宗祀文王以明堂
頌祀文王於明堂也郊祀后稷者祖有功也宗祀文王

者宗有德也前漢孝武元封五年祠明堂以高祖配上
帝後漢明帝永平二年起明堂以光武配五帝本朝治
平中仁宗配上帝是時司馬光論之曰前漢以高祖後
漢以光武配明堂古之帝王自非建邦啟土造夏者皆
無配天之文雖周之成康漢之文景明章德業非不美
也然而子孫不敢推以配天者避祖宗也孝經曰嚴父
則同公其人也孔子以周公有聖人之德成太平之業
制禮作樂而文王適其父也故引之以證聖人之德莫
大於孝以答曾子之問近世祀明堂者皆以其父配此
及誤識孝經之意而違先王之禮不可以為法也又熙
寧中神宗皇帝以英宗配上帝既而問輔臣曰今明堂
乃配先帝如何王安石對曰此乃誤引嚴父之說故以

姓

考配天孝經所謂嚴父者以文王為周公之父周公能
述父志成父業得四海之懽心使各以其職來助祭得
嚴父之道故也若言宗祀則前代已有此禮神宗曰周
公宗祀乃在成王之世成王以文王為祖則明堂非以
配考明矣國家自紹興元年以來權時之宜勘配典禮
宗祀明堂合祭天地並配祖宗議者謂太祖皇帝實兼
后稷文王之事而混一區宇亦在太宗之時太祖雖以
配郊則今明堂之禮宜與太宗並配今論者乃欲祖宗
並配之外增設道君皇帝一位於太祖皇帝之次不惟
不合乎詩禮格言兩漢故事與夫治平熙寧之議論而
揆之人情蓋亦近於豐于昵矣又况梓宮未還几筵未
除山陵未卜而遽議配備之事乎臣等伏請今年明堂

寶齋堂
大禮權依紹興元年詔書請俟削平僭亂恢復大業然後定郊祀明堂之議一從成周之制不失禮經之正詔
依奏

十七日太常博士孫邦言檢會歷朝故事自漢以來以日易月即無三年之禮喪制緣已降御札節文雖亮陰不言適在親祠之歲而越絳行事宜遵制禮之權契勘今來明堂大禮依本朝故事奏請皇帝致齋係服通天冠絳紗袍至行禮日服袞冕行事合前十日受誓戒自受誓日係散齋日分依儀散齋不弔喪問疾作樂緣今來皇帝未御吉服及百僚并禁衛等並未純吉服欲乞自將來受誓戒日皇帝權御吉服其百僚并禁衛等亦合權依吉服供進輦輿從物等亦權依自來常日儀注

供進至將來明堂行禮訖還內畢並依受誓戒已前禮制詔依
是年在道君皇帝
寧德皇后亮陰內

中興禮書第五十卷

吉禮五十

明堂議禮六

紹興十年五月十二日臣僚上言伏覩今歲明堂大禮已降詔旨令有司前代備又依舊例差官提點一行事務中外百執事聞命奉承罔敢不虔臣竊惟國之大事實在於此祀而陛下自即位以來繼遭艱難奉天事神儀物簡略未得一如祖宗之制此遠近所共知也然或謂今歲大禮車駕出太廟與前來駐蹕臨安府時行禮事體稍異若有司泥於煩文省記舊制遇有申請事件則不免於辦備辦備有浮費陛下節儉愛民無所不至臣固知聖意唯欲務從省節無事虛文然私竊過計尚

寶齋堂
慮有司不知出此故不得不為陛下言之且事天以質為先饗神以誠為主明堂之禮雖與郊祀不同要之大禮無文亦貴於簡儉而已經曰禮與其奢也寧儉若陛下只以常禮一出太廟虔恭行事即還法宮其於事體自無增缺有司不當以此為名過有浮費也况去歲諸路年穀間有不登典禮之行當視年之上下而為之豐殺又今年大禮賞給諸費椿辦數目比前次倍多以此知浮費不可不痛加撙節伏乞特降指揮下提點事務官除已得指揮施行事件外其餘只依前次大禮不得泛從省記過有申詳候將來民力寬裕然後一遵舊典庶幾仰稱陛下寅畏事天之意詔依
閏六月八日禮部太常寺言今續條具下項 一檢會

太常因革禮慶歷元年十月十五日朝拜景靈宮准詔以南郊近權罷行禮所有今來明堂大禮本季內朝獻欲依禮例權罷 一依自來明堂大禮禮例前二日車駕詣景靈東宮天興殿聖祖天尊大帝前行禮所有景靈東西閣諸殿聖像神御係差官分詣契勘昨紹興七年明堂大禮緣車駕巡幸係降指揮今後遇四孟朝獻令温州依舊例差官排辦行禮候還臨安府日依舊其九月明堂大禮當時謂為四孟朝獻不係親行亦不曾罷季內朝獻即不須申請明堂大禮前二日分詣緣今來依已降指揮四孟車駕親行朝獻之禮所有將來明堂大禮前二日朝獻景靈宮依前項禮例合罷本季內朝獻欲乞令温州知通於大禮前二日分詣諸殿閣聖

寶鑑堂
像神御行禮其內中承元殿徽宗皇帝承順殿顯恭皇
后顯肅皇后神御即乞差侍從官一員並於九月八日
分詣行禮詔依

二十九年五月二日手詔孝莫大於嚴父禮莫重于饗
帝朕率三歲之郊累欵圓丘惟宗祀昭配之儀久闕不
講何以彰皇考之烈慰在天之靈宜以將來當郊之歲
季秋有事於明堂合行恩賞並一依南郊例施行今有
司討論典禮條具以聞

三十年八月三日禮部太常寺言今檢照國朝典禮自
嘉祐治平至熙寧元豐及元祐政和間祖宗季秋大饗
明堂並以皇考侑於上帝蓋謹嚴配之典以申繼述之
誠今討論將來當郊之歲欲依典禮於季秋擇日皇帝

親行大饗徽宗皇帝於明堂以配上帝式歲宗祀嚴父
之禮仰慰列考在天之靈惟是所設從祀在祖宗以來
沿革不一勘會皇祐熙寧元豐至紹興年中雖屢行明
堂大饗所設從祀不同今若依皇帝祐廣設從祀竊慮
其禮少煩在孝饗疑若未專若依元豐悉罷從祀復慮
其禮稍畧在昭報疑若未稱今欲依熙寧四年國朝典
故設五方帝五人帝五官神從祀之祔庶幾繁簡悉當
得禮之中所有合行事務乞令有司前期各行條具申
請詔恭依

三十一年五月十一日禮部太常寺言檢會國朝會要
淳化三年冬至親祀南郊前一日朝饗太廟權停十一
月朔祭將來九月一日係明堂太禮前一日皇帝親行

朝饗太廟之日所有九月朔祭欲乞依淳化三年郊祀故事權停詔依

六月十六日權禮部侍郎金安節等奏准六月八日三省樞密院同奉聖旨已降指揮將來季秋大饗明堂方時多事理合從宜可令禮部詳論以聞臣等竊以國之大事在祀與戎天子事天祀事之尤大者惟我祖宗膺天祐命肇造區宇三歲親祠未嘗敢廢惟前期告廟之禮或因喪事而闕焉謹按禮經喪三年不祭惟祭天地社稷為越紼而行之是以元祐之初大享明堂而哲宗居神祖之喪禮官建議謂景靈宮太廟當用三年不祭之禮遣大臣攝事或謂聖祖為天神非廟饗也當時雖從其說然黃帝實我宋之所自出豈得不同於宗廟乎

此

今歲已降御札季秋之月有事於明堂近以孝慈淵聖皇帝升遐主上持斬衰之服外廷易月而宮中實行三年之喪臣等考之禮經及元祐已行故事并當時禮官所議竊謂前朝期獻景靈宮朝饗太廟皆當遣大臣攝事主上唯親行大饗之禮其玉帛牲牢禮料器服樂舞凡奏神之物依典禮外鸞駕既不出宮所有車輅儀仗供張宿頓之屬欲乞令有司莫不排辦將來明堂行禮應奉所須當多事之際自合從宜禮畢乞御殿庭宣赦其上件合行事理候前期一月令禮部太常寺及所屬官司各行參酌一面申請兼檢會乾興故事樂備而不作祔廟畢如故今來行禮若在祔廟之前乞依上件典故施行詔依

七月二十七日禮部太常寺言准臣僚劄子奏伏遇陛下宗祀徽考於明堂以配上帝臣輒不自揆願效區區仰禪盛典臣嘗讀考工記夏后氏世室先儒謂堂上五室以象五行木室於東北木生於寅也火室於東南火生於巳也金室於西南金起於申也水室於西北水起於亥也土室於中央象土居中以總御四時也皇祐明堂之制設五室於中及四隅盖用此說或謂水火金木之室當正於四方者臣謹按天文志太微五帝座星黃帝在中而四帝之星在四隅有明堂五室之象焉先儒之說信矣今歲季秋大饗以五方帝五人帝五官神從祀誠為得禮臣聞有司將設五方帝位於朵殿五人帝五官神於兩廊恐於典故未合盖五方帝舊在五室而五

五

人帝從之今若移於殿梁及兩廊是降尊而就卑也又况帝有熊氏乃聖祖之別號皇祐記中具述仁宗皇帝崇奉之意當時升祀於堂近接親獻之禮今若降在廊廡尤非所宜伏望明詔禮官更加詳議然後斷以聖學而裁擇之詔令禮部太常寺討論申尚書今討論下項

一謹按太常因革禮皇祐二年禮官宋祁等言明堂制有五室今大慶殿欲權為幔室以遵古制或不為幔室即止依方設版位於禮亦不至妨闕其五官神位即於庭中東南又按皇祐大饗明堂記設青帝坐于木室西向赤帝坐於火室北向黃帝坐於太室內西南北向白帝坐于金室東向黑帝坐於水室南向設五人帝之坐於各五帝之左俱從所向差退設五官神坐於廷別

為露幄各依其方俱北向國朝會要熙寧四年明堂設
五方帝五人帝五官神從祀至元豐三年明堂更不設
五室以此知熙寧所設五方帝五人帝五官神位亦如
皇祐室幄之制今來行禮殿難設五室欲依臣僚所乞
升祀五方帝五人帝於堂各依方向鋪設神位內五人
帝從五方帝位各於其左稍却其逐位酒尊乞設於兩
殿殿所有五官神位緣殿庭已設皇帝小次宮架舞表
燎壇及陪祠官立班外亦難以更設露幄欲乞於殿下
東廊稍南設五官神位俱西向以北為上自五方帝五
人帝至五官神一十五位並乞差官分獻行禮 一謹
按五官神土正一位舊稱后土昨緣政和中加上皇地
祇尊號內有后土二字遂改五官后土為土正近歲郊

惟

祀大禮及夏日至祭皇地祇神位版祝冊稱呼並已復
舊其明堂從祀土正一位今來欲乞依舊改為后土所
有日後每遇祠祭合設土正神位亦乞依此改正施行
一勘會已降指揮五方帝五人帝既升祀於堂當依禮例
十豆祭器今來五方帝五人帝既升祀於堂當依禮例
逐位合用十二籩豆行禮詔依

八月四日禮部太常寺言檢准已降指揮節文今來孝
慈淵聖皇帝升遐如將來皇帝聽政祥禫服畢文武百
官有繫金玉帶及佩魚者並易以黑帶仍去魚俟祔廟
畢別行申請今來明堂大禮其差克朝獻景靈宮朝饗
太廟行事執事官并差克明堂大禮行事執事應奉陪
祠官及諸色應奉人自受誓戒以後並合權易吉帶俟

寶齋堂
明堂大禮行禮畢宣赦訖即依已降指揮施行所有九月一日百官詣几筵殿入臨并文德殿奉慰欲乞權免止令本殿官燒香詔依

中興禮書第五十一卷

吉禮五十一

明堂議禮七

淳熙六年三月九日詔今歲大禮令禮部太常寺詳議明堂典禮以聞

十七日禮部尚書周必大禮部侍郎齊慶曾太常寺少卿戴機先權禮部郎官何耕太常丞胡南逢太常博士范仲藝狀奏臣等竊觀傳載黃帝拜祀上帝於明堂唐虞祀五帝於五府歷時既久其祥莫得而聞至禮記始載明堂位一篇言天子負斧依南鄉而立內之公侯伯子男外之蠻夷戎狄以序而立故曰明堂也者明諸侯之尊卑也孟子亦曰明堂者王者之堂也周禮大司樂

有冬至園丘之樂夏至方丘之樂宗廟九變之樂三者皆大祭祀惟不及明堂豈非明堂者布政會朝之地周成王時嘗於此歌我將之頌宗祀其祖文王乎後暨漢唐雖有沿革至於祀帝而配以祖宗多由義起未始執一本朝仁宗皇祐中破諸儒異同之論即大慶殿行親饗之禮並侑祖宗從以百神前期朝獻景靈宮饗太廟一如郊祀之制太上皇帝中興斟酌家法舉行於紹興之初亦在殿庭蓋得聖經之遺意且國家大祀有四春祈穀夏雩祀秋明堂冬郊祀是也陛下即位以來固嘗一講祈穀四躬冬祀惟合宮雩壇之禮猶未親行今若特舉秋饗於義為允臣等今據已行典禮及具錄到仁宗時名儒李泰伯明堂嚴祖說并治平中呂誨司馬光

等集近歲李燾奏劄伏候勅旨仍連具錄到典禮詔依禮部太常寺詳議到事理施行仁宗朝李泰伯明堂嚴

先祖說也明堂定制圖序云臣伏以明堂者古聖之大務

儀莫成於此然而久遠規模補闕何所適從臣雖類蒙嘗

羣儒講張各信其習脩墜補闕何所適從臣雖類蒙嘗

者郊天於斯矣又云明堂

禮並用鄭康成王肅兩義說兼祭明堂上帝已為禮前代

不從朝祀自故祖宗以來三歲一親郊即徧及天地而祈穀

從本無地祇正當三歲親祭之期而禮官所定止祭昊天

天上帝不及地祇又配座不祭地又朝之制今

得偏配於禮未安其將親祭而合祭地又朝之制今

河海諸神意時帝謂輔臣曰禮之非數天降地祇亦親祭

神靈之意時帝謂輔臣曰禮之非數天降地祇亦親祭

禮也宰諸儒之舊傳曰惟聖上朝之明為法非達禮之情適禮

諸之變非臣等所及九月二十五日先期二刻鼓奏三嚴
鼓初行主御輅稱警潭不鳴鼓吹赴景靈公廟即齋殿
儀二行朝享之興禮殿行薦享之禮德殿齋殿乘輿
衛王自大次階升衣冠冕報主入帝自明堂中門至
沃盥自太階升衣冠冕報主入帝自明堂中門至
再拜歷太真宗二座前真玉尊帝降階以俟齊進詣
亞獻三書侍郎讀冊文如儀每詣神座受昨降詣還
躬却行須盡其數又改步移嚮以示肅恭之禮也贊
從安徐謹嚴無怠遂失侍臣偏論獻官及進也贊
悉之緩帝還嚴大急遂失侍臣偏論獻官及進也贊
刻之緩帝還嚴大急遂失侍臣偏論獻官及進也贊
屢惟豐日隆下嚴有萬國合宮成禮先乘御地並成
承等及爾同具慶帝常服御宣德門與文紹興元年
卿等中外同慶帝常服御宣德門與文紹興元年
堂祖宗並侑典禮尚書兼禮部尚書胡直弼等劄子
紹

興四年明堂設從祀典禮
明堂之禮有西漢武帝汶上之制紹興元年竊惟
若再舉而行之通宜於今日無之於古又太常行
薦太常傳士劉登竊考古之禮又太常行
有行郊祀者如漢武孝章一之時巡狩不過封禪
今歲若且祀興明堂實得權位之義伏候勅旨中書
省貼黃稱祀興明堂實得權位之義伏候勅旨中書
詔書兼祀興明堂實得權位之義伏候勅旨中書
行禮儀令有司條具限一月開奏今具行明堂禮
併天皇帝上帝上帝上帝上帝上帝上帝上帝上帝
計明堂七十一神位奉聖旨依禮部太常寺禮部
十位即無已逐位今排從其內各設三位是年所設
帝位即無已逐位今排從其內各設三位是年所設
祀共四百四十三位從前禮部侍郎李燾奏乞明堂并
錄連典故神宗聖語熙寧五年神宗問以古言曰宗
當從祀宗今日太祖與太宗乃配英宗世宗何安石
為當祀宗今日太祖與太宗乃配英宗世宗何安石
嚴父之道故也若王宗之世成王自以前文王為祖
周公宗祀乃成王之宗也若王宗之世成王自以前文
周公宗祀乃成王之宗也若王宗之世成王自以前文

親祈可敷七年又祀園丘巨費專意謂明堂之禮而遠稽今宜復故
不近講明光禋祭降上皇帝慈訓實為三月二日祕書監
有司奏明臣聞天所專尚也故圓丘合宮錄皇儀至歷代興加
崇飾非明聖惟所地尚祀貴質立誠繁文縟儀初興間
舉送于乾道六年質神祇書少監因祔左史直前禮事隆
殺劉子安言當行者臣尋歲被命遠使七年蒙陛下外欣開納
具謂其子言可當行者臣尋歲被命遠使七年蒙陛下外欣開納
若謂其子言可當行者臣尋歲被命遠使七年蒙陛下外欣開納
東觀一歲又當行者臣尋歲被命遠使七年蒙陛下外欣開納
際盡觀一歲又當行者臣尋歲被命遠使七年蒙陛下外欣開納
仁誠德經武經文宗上皇或拘之顯光既聖憲天合性
陋儒誤講孝經故於宗祀或拘之顯光既聖憲天合性
以告英宗及神宗等議以告王石者獨司馬不可哉古所
錢公鋪李受傳等議以告王石者獨司馬不可哉古所
帝首遵仁祖成憲行於宗祀或拘之顯光既聖憲天合性
有子伏願陛下獨行聖心興元稟慈訓遂發明詔何嫌盛
典凡百儀注悉取紹興元及四年者行節之速秋
之成早見上帝為萬姓祈福天幸甚臣今者節之速秋
宗語及司馬呂誨錢公輔李受傳等議以告王石者獨司馬不可哉古所
六年直前奏事劉子安言當行者臣尋歲被命遠使七年蒙陛下外欣開納

二十四日禮部太常寺言已降指揮今歲行明堂大禮

中興禮書第五十二卷

吉禮五十二

紹興明堂奏告

紹興元年五月二十九日禮部太常寺言准御札今年九月有事於明堂勘會依條御札降合奏告天地宗廟社稷宮觀諸陵據太史局狀奏告天地社廟宮觀宜用六月三日奏告諸陵宜用六月八日今參酌到禮例下項一奏告天地社稷乞依例於天慶觀設位望祭行禮所有合用神位版并鋪設學生乞下太史局差辦前一日赴祠所一奏告天地依禮例係朝廷降勅差宰臣或執政官一員太社太稷龍瑞宮天慶觀告成觀差侍從官共四員諸陵於圓通院設位望祭差宗室南班

官二員並前一日赴祠所致齋至日五更行事 一今
來奉迎太廟神主見在溫州兼見權停祭享所有今來
奏告日并合行事件候將來大行隆祐皇太后神主祔
廟畢及降香祝到日令提點所一面選日排辦奏告
一今來奏告天地社稷每位合用酒二升鹿脯一段重
四兩關以羊麋麇二合半真蠟燭二條幣帛一段長八
尺小燎草茅各一束并奏告龍瑞宮天慶觀每位各合
用酒二升醬二合半鷲梨五顆關以時蠟燭二條幣帛
一段長二尺寸五分并逐處合用祭器應合排辦事件等
及諸陵每位合用茶酒果並乞下越州應副排辦 一
今來奏告天地宗廟社稷宮觀諸陵合用祝文青詞表
文並述以御乞下學士院預先修撰進書訖付太常

寺內奏告宗廟祝文依近例係學士院一面付進奏院
入急遞降付溫州奉迎神主提點所交割 一逐處合
用御封降真香乞具數關入內侍省預先取降付太
常寺內奏告宗廟香取降付溫州 一今來奏告天地
社稷宮諸陵合差奉禮郎太祝太官令共十八員並
充如差文臣充並乞下越州差官詔依四年
外是日添告昭慈聖獻皇后橫觀諸香表到宮日今十
日是日添告昭慈聖獻皇后橫觀諸香表到宮日今十
十是日添告昭慈聖獻皇后橫觀諸香表到宮日今十
九是日添告昭慈聖獻皇后橫觀諸香表到宮日今十
八是日添告昭慈聖獻皇后橫觀諸香表到宮日今十
七是日添告昭慈聖獻皇后橫觀諸香表到宮日今十
六是日添告昭慈聖獻皇后橫觀諸香表到宮日今十
五是日添告昭慈聖獻皇后橫觀諸香表到宮日今十
四是日添告昭慈聖獻皇后橫觀諸香表到宮日今十
三是日添告昭慈聖獻皇后橫觀諸香表到宮日今十
二是日添告昭慈聖獻皇后橫觀諸香表到宮日今十
一是日添告昭慈聖獻皇后橫觀諸香表到宮日今十
府各分一年如四月之二十七日諸廟天慶觀報恩先孝觀各於臨安
地各分一年如四月之二十七日諸廟天慶觀報恩先孝觀各於臨安
於各分一年如四月之二十七日諸廟天慶觀報恩先孝觀各於臨安
六日九院差用齋告四月之制用五諸廟天慶觀報恩先孝觀各於臨安
各一員其合用神位版排制祝詞並述以九帶青祠祝文
表文等並如紹興元年之制祝詞並述以九帶青祠祝文

六月十一日太常寺言今來年九月有事于明堂依例
合降御封香祝祭告五嶽四瀆係吏部差使臣管押香
祝至東嶽家州東瀆唐州南嶽潭州南瀆成都府中嶽河
中府西嶽華州西瀆河州府北嶽中山府北瀆益州其
逐州府俟香祝到日本處排辦告祭今來道路未通昨
郊祀大禮畢祭告五嶽四瀆止就行在寺觀設位望祭
今參酌欲乞就越州天慶觀設位望祭詔依
七月十一日太常寺言據太史局選定祭告五嶽四瀆
日分宜用七月十三日丁未吉今參酌禮例下項 一
自來係差逐州府知通行禮今來設位望祭欲乞今越
州輪差知通一員前一日赴祠所致齋唯告事得行其

餘悉禁 一合用神位版并鋪設學生乞下大史局差

辦 一每位各用酒二升鹿脯一段重四段闕以羊鹿

鬻二合半醬代以鮮蠟燭二條幣帛一段長一丈八尺并合

用祭器等並乞下越州應副排辦 一合用祝文以並述

堂大禮御札降祭告之意乞令學士院預先修撰進書訖降付本寺

供應并合用御封降真香九合乞下入內侍省預先

降 一合差奉禮郎太祝太官令各一員並以太祝充

出並乞下越州依例差官詔依四年用六月五日于臨

五月二十八日于建康府保寧寺設位並如元年之制

九月五日禮部言准都省批送下入內侍省申契勘

冬祝大禮在東京日差使臣預告在京宮觀等處作道

場及禮畢亦合差使臣齋降香往諸路州軍五嶽四瀆

等供燒道場本省即未審今來明堂大禮合與不合依
例施行如合差撥即乞下太常寺討論合降道場去處
降下以憑遵執本部行下太常寺勘會據本寺狀乞於
大禮前令入內內侍省差使臣降香於越州天慶觀設
道場一晝夜罷散禮畢亦乞本省差使臣降香於本觀
開建五嶽四瀆等道場一晝夜罷散其在京并諸路宮
觀緣道路梗阻乞更不降香俟車駕還闕日依例施行
本部欲依太常寺勘當到事理詔依後皆
四年七月十四日禮部太常寺言今檢照昨明堂大禮
前二日奏告太祖皇帝室合用御封降真香二合係入
內內侍省取降合用祝文二首係學士院修撰進書其
香祝並降付管押祝冊使臣附帶前去太廟景靈宮提

照奉迎所交割畢本所依例牒所屬排辦就差宗室行
禮今來明堂大禮欲依上件禮例施行詔依
十年五月十日禮部太常寺言明堂大禮御札降合奏
告諸陵并昭慈聖獻皇后楷宮勘會自來在京御札降
奏告係自京遣官前去諸陵行禮緣今來道路遙遠竊
慮難依舊例今欲乞依近薦獻諸陵禮例令河南府差
官行禮內永固陵亦乞依例於寺院設位詔依續准六
月二十七日入內內侍省奏勘會南京鴻慶宮華州雲
臺觀神御并諸陵西京一品二位節序逐季香及今年
明堂大禮奏告諸陵香表今來已差快行禮從齋降緣
道路梗阻起發未得奉聖旨令申尚書省後批送禮部
太常寺看詳今看詳目即道路梗阻欲下入內內侍省

權且照應自渡江後來體例施行所有今來奏告諸陵
 乞依紹興七年禮例令太常寺關報所屬差官排辦於
 法惠寺設位望告仍報太宗正司差宗室二員行禮詔
 依三十一年五月四日於惠照院齋宮設位具降香
表奏告昭慈聖憲皇后橫宮承祐陵橫宮並如郊祝
之制皇后橫宮九年用四月六日添告祭安穆皇后之制
 安穆皇后橫宮九年用四月六日添告祭安穆皇后之制
 二十四日禮部太常寺言准御札今年九月有事於明
 堂契會紹興四年并七年明堂大禮並為道路未通於
 行在設位祭告五嶽四瀆行禮了當今檢照皇祐明堂
 記內該載四海亦合一就祭告尋批會到都進奏院道
 路已未通去處一道路已通去處潭州南嶽司天昭聖
 帝河南府中嶽中天崇聖帝華州西嶽全天順聖帝廣
 州南海洪聖廣利昭順威顯王孟州北海冲聖廣澤王


並北瀆大濟清源王唐州東瀆大淮長源王益州南瀆
 大江廣源王一道路未通去處兗州東嶽天齊仁聖帝
 定州北嶽安天元聖帝萊州東海助順淵聖廣德王河
 中府西海通聖廣潤王并西瀆大河顯聖靈源王一今
 相度欲將道路已通去處依自來條例齋降香祝前去
 逐處祭造所有未通去處乞依紹興四年并七年禮例
 於行在設位祭造詔依設位祭告用閏六月三日乙亥
祭告之意
 有事于堂明
 祭告之意

三十一年五月六日禮部太常寺言勘會紹興十年明
 堂大禮并逐次郊祀大禮體例御札降祭告五嶽四海
 四瀆其路通去處依例齋降香祝前去逐處祭告所有
 未通去處依例於行在設位祭告行禮今條具到申請

下項一道路未通去處係兗州東嶽天齊仁聖帝華州
西嶽金天順聖帝定州北嶽安天元聖帝河南府中嶽
中天崇聖帝萊州東海助順淵聖廣德王河中府西海
通廣潤王孟州北海冲聖廣澤王廣州東瀆大淮長源
王河中府西瀆大河顯聖靈源王孟州北瀆大濟清源
王合於行在設位祭告所有祭告日辰據太史局申宜
用五月十一日癸未吉其應合排辦香祝幣帛禮料等
乞依逐次大禮禮例從太常寺開具關報所屬差官及
於望祭齋宮設位行禮一路通去處係潭州南嶽司天
昭聖帝廣州南海洪聖廣利昭順威顯王益州南瀆大
江廣源王合齋降香祝前去逐處祭告昭依淳熙六年
閏五月十日
二日九月用四月二十九日設位祭告并齋降香並如
逐次體內降香祝祭告海子明州定海縣如乾道六年

郊祀之制

淳熙六年四月十八日禮部太常寺言御札降奏告天
地等處用四月二十六日行禮其奏告日依禮例皇帝
前後殿不視事詔依九年此年



编码错误

应为 1-3页

中興禮書第五十三卷

吉禮五十三

明堂擇日

紹興元年五月二十五日禮部太常寺言近據太史局
選定今年秋季祀祭時日內季秋昊天上帝用九月十
八日辛亥勘會自來選日條例先擇上旬次中旬本局
依經當審得節加時早晚隨其時日用之參詳九月八
日辛丑猶屬仲月未是季秋節氣之內是致難以選用
竊緣上件日係將來明堂大禮行禮日分未敢便依太
史局所選日辰合取自朝廷指揮詔用九月十八日
四年五月六日禮部太常寺言准御札節文今年九月
有事於明堂今據太史局選定將來明堂大禮日分宜

用九月十五日辛酉吉今來未敢便依太史局所選日辰伏乞朝廷詳酌指揮施行太史局供到狀契勘自來明堂大禮係九月內選上辛日其紹興元年九月八日雖係是辛丑緣未得九月節猶屬仲月依經皆取月節氣應為定當時降指揮用九月十八日辛亥今來九月五日辛亥係未得九月節氣其所選九月十五日辛酉係是九月節氣內上辛之日詔用九月十五日七年五月二十六日禮部太常寺言准御札節文今年九月有事於明堂今據太史局選定將來明堂大禮九月二日辛酉十二日辛未雖係九月內辛日緣未得九月節氣依經皆取節氣應為定今宜用九月二十二日辛巳係屬九月節內辛日詔用九月二十二日

十年五月十三日禮部太常寺言據太史局申將來明堂大禮日擇用九月十日辛亥吉詔依淳熙六年四月十九日禮部太常寺言所有明堂行禮日辰依禮例係用辛日詔用九月十六日辛未九年四月十一日禮部太常寺言准御札節文今年九月有事於明堂所有日辰據太史局選到欲乞用九月十三日辛巳吉詔恭依

神位

紹興元年八月十二日禮部太常寺言將來明堂大禮神位版合書昊天上帝位不用皇地祇位不用太祖啟運立極英武睿文神德聖功至明大孝皇帝位太宗至仁應道神功聖德文武睿烈大明廣孝皇帝位詔依其

合書位號令中書門下省開具進入先祀明堂合祭天宗
 合用昊天上帝皇地祇并太祖太宗神位四位元係御
 書明金青出字雕木鏤金五采裝蓮花戲龍座黃紗明
 羅夾子黃羅夾軟單子黃羅襯褥朱紅膝腰輿套匣黃
 厚各一尺一寸不用明金以珠漆金字其明金單
 金單子亦以珠漆充代所有御書位版合行請降
 四年四月七日禮部太常寺言准三月十三日勅紹興
 元年明堂止設四位百神即不曾從祀皇祐詔書兼祀
 百神詔將來行明堂大禮其合行禮儀令有司條具聞
 奏今條具到神位係設昊天上帝皇地祇侑以太祖太
 宗共帝共四位并天皇大帝神州地祇已下從祀共七
 百六十三位都計七百七十一位並合用神位版乞下
 工部指揮文思院製造詔依
 十六日禮部太常寺言准勅臣僚上言伏見近降詔旨

將來明堂大禮合行禮儀令有司條具聞奏臣恐禮官
 百司不能仰體聖意講求之意尚循承平故事今驚輅
 所駐庶事多闕顧於彌文自難具舉天地祖宗唯饗陛
 下之誠伏望詔三省俾有司參酌損益務從簡儉勿為
 無益徒有耗費詔依奏仍令禮部太常寺條具聞奏今
 條具明堂大禮合設從祀百神應內壇諸神有名者三
 百餘位並已逐位排辨其內壇之外十二階泛設三百
 六十位即無神名今欲於逐階各併設三位詔依從祀
 共設四百四十三位七年十年
 明堂大禮神位並如四年之制
 五月五日禮部太常寺言已降指揮明堂大禮設位去
 處令修內司臨安府同共相度於教場內就射殿基址
 修蓋殿一座充將來大禮正配四位行禮見遵依外所

有從祀百神設位去處未奉指揮詔從祀神位並於見
修蓋禮行殿前相視鋪設

六月二十七日秘書省言據太史局申明下項一檢
准紹興二年正月三日尚書省劄子太史局申勘會昨
遇明堂大禮造到御筆神位四位見在紹興府天慶觀
景命殿安奉候將來大禮令府津發赴行在應奉詔依
本局除已牒紹興府盡數津發前來行在檢計踏逐寺
觀安頓及候津發到日令文思院即時雅飾又申勘會
上件御書神位於明慶寺安頓仍乞下文思院雅飭
一將來明堂大禮合祭天地侑以太祖太宗皇帝并從
祀百神四百餘位所有合用擗擊腰輿匣帕等乞下所
屬製造本省看詳欲依太史局所申行下文思院製造

詔依

七年五月七日禮部太常寺言勘會今來大禮前二日
朝獻景靈宮合設聖祖天尊大帝一位所有合用位版
乞下太史局依明堂正配位製度製造其合用神席乞
令建康府排辦詔依

六月十九日禮部太常寺言前一日朝饗太廟已降指
揮依議設七祀并配饗功臣位於殿下差官行禮合用
位版欲乞令太史局并太廟奉安所各具合用數申工
部行下文思院製造所有排設神位版乞欲下太史局
并太廟奉安所至時排設詔依

三十年八月三日禮部太常寺言今討論將來當郊之
歲欲依典禮於季秋擇日皇帝親行大饗徽宗皇帝於

明堂以配上帝所設從祀欲依照寧四年國朝典故設
五方帝五人帝五官神從祀之位詳具議禮門
天上帝配位徽宗皇帝從祀青帝赤帝黃帝白帝黑帝
太昊氏帝神農氏帝有熊氏帝少昊氏帝高陽氏勾芒
祝融后土
壽收冥冥

十月二十一日禮部太常寺言勘會紹興十年明堂大
禮於殿上設正配皇帝親祠行禮其從祀神位係差官
分獻行禮將來明堂大禮欲乞依禮例殿上正配位皇
帝親祠行禮內五方帝五人帝五官神從祀並差官分
獻所有神位次序乞令太史局前期貼說具圖本申朝
廷指揮降下排辦詔依

三十一年五月七日禮部狀秘書省申勘會將來明堂
大禮所設神位數內徽宗皇帝一位合以徽宗體神合

道駿烈遜功聖文仁德憲慈顯孝皇帝二十字恭請御
書依昊天上帝等神位尺樣用黃帝降附文思院雕造
劄下御藥院照會施行

淳熙六年五月三日太史局言據司晨申契勘昨紹興
四年并逐次明堂大禮所設天地祖宗及從祀諸星神
位等四百一十一位并衆星三十六位計四百四十七
位今來已降指揮合祭天地並侑祖宗從祀百神並依
南郊禮例合設天地祖宗從祀諸星等七百七十一位
比之紹興四年并逐次明堂大禮增入衆星三百二十
四位並依禮於明堂殿兩廊鋪設緣新置便門三間及
放班門一間為礙前導立班路今將紹興十年明堂大
禮圖本參照今來明堂大禮從祀諸星神位各依次序

寶齋堂
鋪設本局今看詳欲依司辰定到神位次序鋪設已申
太常寺看詳訖乞指揮降下詔依殿上昊天上帝皇地
祇位於北方南向西上太祖啟運立極英武睿文神德
聖功至明大孝皇帝太宗至仁應道神功聖德文武睿
烈大明廣孝皇帝位於東方西向北上東朶殿青帝赤
帝皇帝大明天皇大帝木神火神土神勾芒祝融后土
東嶽南嶽位於東方西向北上西朶殿白帝黑帝神州
地祇夜明北極金神水神蓐收元冥中嶽西嶽北嶽位
於西方東向北上東廡北斗天一太一歲星熒惑鎮星
元枵星紀折木大火壽星鶉尾鈎星天柱天厨柱史女
史御史尚書大理陰德天倉元戈天床三師輔星相太
陽守東鎮南鎮中鎮東海南海東濱南濱虛宿女宿牛

宿斗宿箕宿尾宿心宿房宿氐宿亢宿角宿軫宿翼宿
張宿織女建星天紀日星七公帝席大角攝提人星司
命司危司非司祿天津離珠羅堰天桴奚仲左旗河鼓
右旗天雞輦道漸臺敗瓜扶箱匏瓜天弁天棊帛度屠
肆宗星宗人宗正天籥女牀牀候星市樓宦者天江車
肆斗星斛星天市垣列肆東咸罰星貫索鍵閉鈎鈐周
伯星西咸天乳拾搖梗河亢池周鼎天田平道進賢郎
將郎位內五諸侯三公內座九卿內東山南山中山東
林南林中林南川東川中川南澤天壘城玻璃瑜代星齊
星周星晉星韓星魏星燕星楚星鄭星越星趙星九坎
天田狗國天淵狗星鼈星農丈人杵星康星魚星龜星
傳說神宮積卒從官天輻騎陣將軍陳車車騎騎官頗

寶象堂
頑折威陽門五柱天門衡星庫樓平星南門青丘長沙
土司空左右轄軍門器府東甌天廟酒旗天相東丘南
丘中丘西丘北丘東陵南陵中陵西陵北陵東墳南墳
中墳西墳北墳東衍南衍中衍西衍北衍東原南原中
原西原北原東隰南隰中隰西隰北隰位并衆星七十
三位並西向北上西廡帝座五帝內座太白辰星鶉火
鶉首實沈大梁降婁訶訶河漢天理勢星內厨天牢三
公文昌內階四輔八穀杠星華蓋傅舍六甲鈎陳紫微
垣西鎮北鎮西海北海西瀆北瀆星宿柳宿鬼宿井宿
參宿甯宿畢宿昴宿胃宿婁宿奎宿壁宿室宿危宿太
微垣太子明堂權星三台五車諸王月星謁者幸臣常
陳內屏從官虎賁靈臺少微長垣黃帝座四帝座內平

太尊積薪積水北河天樽五諸侯鉞星座旗司怪天關
咸池天橫三柱天高礪石天街天船積水天讒卷舌天
積尸大陵左更天大將軍軍南門右更附路閣道王良
策星天廡土公雲兩霹靂騰蛇雷電離宮造父土公吏
內杵臼星蓋屋虛梁墳墓車府西山北山西林北林中
川西川北川中澤西澤北澤天稷耀星天記外厨天狗
南河天社矢星水位闕丘狼星弧星老人星四瀆野鷄
軍市水府軍星子星丈人天屎天廁伐星屏星軍井玉
井九游參旗附耳九州殊口天節天園天陰天廩天苑
天囷葛藁天庾天倉鉄質天溷外屏土司空八魁羽林
軍壘壁陣斧鉞敗臼北落師門天網天錢泣星哭星位
并衆星七十三位並東向北上南廡衆星二百一十四

位重行北向西上

二十九日禮工部言准都省批送下秘書省狀據太史局申契勘將來明堂兩朵殿上鋪設上十位至五行五官五位計二十五位其上十位神位青帝赤帝黃帝白帝黑天皇大帝神州地祇北極夜明共一十位並係青面青入字大版神位內五行神位木神火神土神金神水神五官神位勾芒祝融后土蓐收真冥五嶽神位東嶽西嶽中嶽南嶽北嶽共一十五位皆係未經漆面金入字小版神位深慮將來兩朵殿上鋪設神位大小不等乞移文所屬創造硃紅漆面金入字五行五官五嶽一十五位大版神位庶使朵殿神位皆以大版鋪設尋送太常寺勘當去後本寺今檢照國朝會要大觀四年

四月二十八日議禮局言伏請凡祀昊天上帝皇地祇五方神神州地祇大明夜明與祀神之帝皆以黃金飾木為神位版鏤青為字其餘則用硃漆金字以是為尊卑之差今太史局乞創造硃紅漆面金字五行五官五嶽神位大版一十五版今照得典故所載其餘神位係硃漆金字今勘當欲依秘書省所乞事理施行工部尋送將作監勘會欲依禮部已勘當事理詔依

九年六月八日太常少卿兼太子侍讀余端禮等言勘會今來明堂大禮據太史局申繳到明堂神位圖數內傳說一位本寺檢照春秋正義天策傳說星史記天官書之文莊子云傳說得之以騎箕尾傳說商高宗之相死而託神於此星故名為傳說星也傳說之星在尾之

未合朔在尾故其星近日星微惇惇然無光耀也及政
和五禮新儀太史設神位版傳說在寅階內墻之內即
無傳說係是太史局循習差誤伏乞朝廷改正施行詔
令改正

中興禮書第五十四卷

吉禮五十四

明堂八寶

紹興元年六月九日禮部太常寺言自來大禮陳設八
寶於宮架之前昨郊祀大禮即不存設所有將來明堂
大禮欲乞更不排設詔依四年至十
年倣此

三十年十二月四日門下後省言契勘昨於紹興十年
明堂大禮本省即未曾排設八寶自紹興十三年已後
郊祀大禮並行排設八寶導駕行禮緣將來明堂大禮
前二日朝獻景靈宮前一日朝饗太廟欲依昨紹興二
十八年體例排設及已前節次申陳事理逐一相度條
具申請詔依三十一
年六月十六日已降
指揮鑿駕既
不出宮所有車輅儀仗供張宿頓之屬令

有司更不排辦其
八寶亦不排設

淳熙六年四月三日門下後省言契勘本省每遇郊祀
大禮合排辦八寶應奉行禮今來已降指揮今歲明堂
大禮其合祭天地並侑祖宗從祀不百神並依南郊禮
例所本省合設八寶導駕行禮欲乞依淳熙三年逐次
郊祀大禮排辦禮例施行詔依九年此年十三日門下後
省言今具下項 一將來明堂殿內八寶導駕排設行
禮去處本省照得昨來排辦冊寶係於兩朵殿上排設
近相視得今來明堂殿內并兩朵殿及兩廊上並皆鋪
設神所有八寶欲乞權於宮架之側東西兩廊之下隨
宜排設符寶郎等守視在側輦官權約在後俟皇帝行
禮將畢徑歸在內寶帳以俟進約 一將來明大禮皇

帝宿齋前一日請降八寶出外合歸在外寶帳今乞於
空閑府第或軍馬司空閑廳宇內權行結縛寶帳安設
一將來八寶導駕詣景靈宮行禮畢歸太府寶帳其
安設依逐次禮例施行外所有自太廟導駕詣明堂殿
行禮一節合設在內寶帳今欲乞依禮例於內藏庫墻
下空閑地上如法結縛寶帳隨宜安設其合行事件亦
乞並依冊寶已得指揮施行兼本省今來所差引寶引
香案職掌共人人數內有官品之人所有合服著衣服
欲乞依例報所屬闕請詔依

中興禮書第五十五卷

吉禮五十五

明堂牌

紹興元年九月九日內殿進呈仁宗皇帝親篆明堂及
飛白門榜上曰行宮殿小難以模設昨日已別書六字
第以嗣天子臣名恭書代孝子嗣皇帝親札蓋以祀天
為主也李白曰祀事本乎天祖宗止以配侑題額以祀
天為主深合禮意秦檜富直柔皆以聖慮為允十三日
進士黃朝美上進仁宗皇帝御書明堂牌碑本二軸詔
送秘書省十六日安禱御書明堂牌並明堂之門碑
四年十月十七日禮部太常寺言勘會昨明堂大禮安
禱明堂牌係修內司所掌今來欲乞依例下修內司預

先計置排辦詔依

紹興七年十年三十一
年並做此

淳熙六年八月八日禮部太常寺言提舉修內司楊皓
狀恭承降下御書明堂明堂之門六字并嗣天子臣御
名恭書七字令本司製造牌二面今來明堂大禮安掛
今契勘得紹興三十一年明堂大禮安掛過硃紅漆青
地金字牌二面今開具制度高濶下項明堂牌牌心高
五尺七寸濶三尺九寸牌頭濶七尺四寸脚濶六尺明
堂之牌牌心高四尺七寸五分濶三尺七寸牌頭濶七
尺二寸下脚濶五尺七寸通高七尺三寸欲依舊樣製
造奉聖旨依奏本司契勘上件明堂并門堂之門牌二
面未審合於明堂殿甚處安掛禮部太常寺契勘已降
指揮大慶殿作明堂行禮殿所設神位並依南郊禮例

係於明堂殿上及兩朵殿東西兩廊并隔門外西廊至
南廊並鋪設從祀神位行禮所有今來御書明堂碑欲
乞於行禮殿上安掛其明堂之門牌欲乞於行禮面西
新置便門上安掛詔依令擇日安掛二十九日禮部太
常寺言提舉修內司楊皓申本司依舊樣製造明堂明
堂之門牌二面了畢除已進呈外伏乞朝廷下所屬討
論迎奉典禮安掛日時施行今檢照討論典禮止該載
明堂及明堂之門牌係御書即不該載迎奉安掛典禮
今叅酌禮例隨宜條具到下項 一迎奉并安掛欲乞
用御封降真香二合下入內侍省降付太常寺 一
迎奉并安掛欲乞用儀衛親從官五十人下皇城司差
撥裝著儀 一欲乞用綵結殿子二座令臨安府同儀

注全

鸞司計會修內司排辦 一合用擡擊綵結殿子輦官
 四十人乞下御輦院差撥裝著儀注全儀 一所有御書明堂
 并明堂之門牌候修內司裝造畢欲乞且於本司廳安
 奉候至安掛日迎奉赴明堂殿安掛所有合用搭材乞
 令修內司差撥 一迎奉安掛乞差官一員行燒香禮
 欲就差修內使官充 一太史局選到迎奉安掛牌吉
 日時刻宜用九月十一日丙寅時用巽時吉詔依迎奉安掛
 御書明堂明堂之門牌儀注其日安掛御書明堂牌時
 前儀鸞司於權安奉御書牌儀前掛御書明堂牌時
 倫儀衛輦官於廳前排立定禮直官引行禮官公裳詣
 香案前搭材輦官捧擎御書明堂牌并明堂之門牌升
 常寺率搭材輦官捧擎御書明堂牌并明堂之門牌升
 綵結殿子儀衛從材於行禮官後從迎奉至新置便門并
 明堂殿修內司搭材於殿前候時至排辦俟時至遷正權
 退儀鸞司設香案於殿前候時至排辦俟時至遷正權
 官於殿前北向立定尅擇官報時及修內司遷正畢行禮
 禮官播笏三上香執笏再拜訖退九年安掛並做此

九月二十八日太常少卿戴先幾言檢照昨紹興元年
 及三十一年明堂大禮明堂并明堂之門牌係太上皇
 帝御書本寺據修內司報見係本司所管恭觀今來宗
 祀告成元降宸翰明堂及明堂之門牌合用皇祐典故
 奉安於宗正寺欲望朝廷敷奏迎太上皇帝御書同奉
 安於正宗寺以彰兩朝大饗宸翰相輝為萬世感觀伏
 乞指輝下本寺討論奉安儀注施行詔依仍請降御書
 真本同奉安令臨安府依皇祐典故摹刻於石以石本
 頒賜近臣十月十九日修內司言紹興元年太上皇帝
 御書已經隔五十年累經巡幸案牘不存目今不在本
 司收掌所有今次明堂宸翰并兩次牌共四面遂具奏
 聞奉聖旨御書並已進納牌共四面依已降指揮施行

寶齋堂
已具申尚書省外今月十四日續准提舉修內司承受
提轄楊皓奉聖旨降下今次明堂并明堂之門宸翰六
次令申尚書省劄下所屬依戴幾先申請指揮施行
二十一日禮部太常寺言勘會將來奉安太上皇帝御
書明堂并明堂之門牌二面今上皇帝御書明堂并明
堂之門牌二面及奉安御書真本及摹刻於石竊恐將
來宗正寺地步窄隘欲乞令太常寺同宗正寺臨安府
前去相視所有迎奉安奉合行禮儀候相視到奉安去
處別行條具申請施行詔依

十一月十五日禮部言據太常寺宗正寺申今來同臨
安府於今月三日前去相視緣宗正寺係在玉牒所置
司本寺別無安奉去處今相視得玉牒殿門內屬籍堂
相對西壁廊屋五間可以隨宜建殿安奉及取到太史
局狀即與國音別無妨碍緣今來地段係在玉牒殿門
內逐處未敢便行陳請修蓋伏乞朝廷指揮施行候指
揮下日欲乞令臨安府計會修內司見今奉安玉書真
本并牌丈尺及安立碑石去處拆除上件廊屋五間應
辦蓋仍乞行下玉牒殿照會所有將來迎奉奉安合行
事件仍乞候見得修造次第本寺同宗正寺別行條具
申請施行詔依

七年二月十四日禮部言太常寺宗正寺申勘會奉安
御書明堂碑其迎奉奉行合行禮儀緣太常寺別無典
故今欲乞比做昨淳熙四年六月內國子監迎奉安掛
御書光堯御書石經閣牌禮例參酌條具申請施行詔

依

三月十四日禮部言據太常寺宗正寺申今叅酌條具到合行申請事件一迎奉奉安御書明堂牌合用御封降真香四合乞下入內內侍省請降付本寺一今來臨安府修蓋御書牌殿所有迎奉奉安日辰欲乞令臨安府約度修蓋畢工月日報太常寺下太史局選定關報所屬施行 一將來迎奉奉安是日宰執率文武百官於玉牒殿門外隨宜立班奉迎再拜權退如值雨許施官並免迎拜有司於候時至宰執率文武百官於殿下時前依次權行奉安隨地立班定尅擇官報時及有司遷正畢班首上香訖在位官皆再拜訖退樂人作樂畢仍乞令御史臺閣門告祭百官至日候朝廷退徑赴玉牒所以俟立班仍下

太史局差定時尅擇官一名迎奉奉安祇應 一乞令

臨安府差撥樂人一百人作樂迎奉奉安祇應 一合

差儀衛新從官一百人乞下皇城司差撥裝著儀儀注 一

合用綵結殿子四座腰輿一乘乞令臨安府同儀鸞司

輦官前期計會修內司同共排辦 一合用捧擎結殿

子輦官一百人乞下御輦院差撥裝著儀儀注全 一欲乞於

迎奉前一日權於修內司廳安奉俟迎奉日及乞差修

內司官一員行燒香禮并騎從至玉牒所於本殿奉安

詔依

四月二十二日太常寺言今月十八日據臨安府申蓋造玉牒所御書殿宇等一切了當本寺尋關太史選日去後據申宜用四月二十四日丙午時用 時吉今欲

乞照應前項已降指揮是日俟朝殿退宰執率文武百官徑赴玉牒所奉迎俟時奉安詔依

九年五月二十五日禮部太常寺言今歲明堂大禮安掛明堂牌乞令修內司等處並合行檢照淳熙六年明堂大禮已降指揮及已行體例施行今參酌條具下項
一勘會淳熙六年明堂大禮御書明堂牌並明堂之門牌二面見於宗正時安奉今來合行雅飾修整欲乞自宗正寺迎奉赴修內司令如法雅飾修整候畢且於本司廳權安奉令本司報太常寺以俟擇日迎奉赴明堂殿安掛所有迎奉並安掛日辰令太史局選定其合用搭材乞令修內司差撥施行 一合用御封降真香三合乞下入內侍省請降付太常寺 一迎奉並安

掛合用絲結殿子二座乞令臨安府同儀鸞司及輦官前期計會修內司同共結縛排辦并合用香案花瓶麻爐匙合案衣炭火乞令臨安府同儀鸞司計會釘設排辦內安掛牌行燒香禮合用上香炭火乞下儀鸞司差人排辦掌管乞從太常寺報皇城司等處照會於入經由門戶至行禮殿 一迎奉并安掛合用儀衛輦官乞下所屬差撥 一所有今來自宗正寺迎奉并將來安掛欲乞從淳熙六年禮例就差修內司官一員行燒香之禮仍乞令所屬差官從至修內司詔依
十月十七日試太常少卿兼太子侍讀權禮部侍郎余端禮劄子勘會今次明堂大禮所有今上皇帝御書明堂牌並明堂之門牌二面係修內司官司宗正寺行燒

香禮從至本司廳雅飾候畢工修內司官燒香迎奉安
掛訖退契勘昨淳熙六年明堂大禮畢創行建造奉安
明堂牌並明堂之文牌殿宇當時已用宰執百官立班
奉迎奉安了當所有今來明堂大禮畢明堂牌并明堂
之門牌二面合自修內司迎奉赴宗正寺元奉安處奉
安其迎奉奉安禮儀欲乞比做迎奉安掛禮儀本寺一
面修定關報所屬施行詔依

中興禮書第五十六

吉禮五十六

明堂玉幣

紹興元年四月三日禮部太常寺言勘會將來明堂太
禮合用蒼璧目今有司別無庫管如日近御前降到花
文玉璧見有餘數其碾造黃琮真玉即無見在若不措
置深恐有妨供使朝旨劄付禮工部太常寺同共日下
疾速詳議合如何措置於典禮不致妨闕禮工部太常
寺言勘政和已前祀天地用禮神真玉置於神座之右
用石依真玉製造燔玉行事奠幣時燔玉加於幣奠獻
禮畢焚瘞政和間因臣僚詳議真玉為禮神之器更不
燔瘞今來別無庫管及餘數玉璧皆是花文若珉石依

樣製造燔玉蒼璧黃琮二段用彩色依方色飾之至時
 行禮奠獻禮畢焚瘞所有真玉權不設置更合取自朝
 廷指揮禮工部太常寺供到狀政和以前祀天地燔玉
 係用石以彩色依方色飾之至行禮尊獻禮畢焚瘞別
 無違礙兼自來即不曾用藥玉充代詔依所申令文思
 院製造仍令兩浙路轉運司更切多方求訪候有繳申
 尚書省優與恩賞
 二十八日太常寺言合祭天地奉太祖太宗配用蒼璧
 三段黃幣一段各長一丈八尺小尺乞別戶部下左藏
 東庫選勘好物帛用脚印支供赴寺詔依
 八月七日詔已降玉令文思院製造蒼璧黃琮尚慮數
 多今更降玉璧一塊可相度添用

八日參知政事張守奏蒙降出蒼玉璞已送文思院上
 日所從買家知是大禮所用頗邀厚價朕以祀天不當
 計費先是明堂闕蒼璧黃琮禮部謬引故事請以石為
 璧繪天地之色聖意殊不以安乃徧命求訪至是
 得之

四年四月六日禮部太常寺言今條具到合行事件下
 項 一禮神真玉蒼璧一黃琮一並見在太常寺收掌
 青圭一赤璋一黃琮一白琥一黝黃一圭璧二兩圭有
 卽六共計十三段並闕欲乞下工部預先計置碾造
 一幣帛共計四百四十三段各長一丈八尺小尺並從
 太常寺具合用方色申戶部下左藏庫將堪好物帛變
 染逐色依丈尺分打用本庫印記訖支供赴太常寺詔
 第一項令太常寺彩畫樣製下工部并兩浙轉運司臨

安府限一月計置餘依七年十年所用幣帛數並同四年

十六日禮部太常寺言契勘將來明堂大禮合用禮神真玉除昊天上帝皇地祇已有蒼璧黃琮外其餘五方帝日月等玉已降指揮計置檢會太常因革禮天聖十年恭謝天地于天安殿以行禮日逼攻玉不及故玉皆用珉欲乞除正位已有蒼璧黃琮外內五方帝日月等依天聖故事施行詔依已降指揮尋訪五月十六日工禮部言知臨安府梁汝嘉劄子準尚書省劄子將來明堂大禮合用禮神真玉共一十三段下工部并兩浙轉運司臨安府限一月計置令尋訪得一色碧玉一塊秤重二十三斤劄付工禮部仰將已買到玉同合干官吏等子細計料據將作監狀尋勒文思院上界契勘製造

寶鑑堂

明堂大禮禮神真玉今來臨安府計置到真玉一塊只可以解造兩圭有卽四黝黝白虎各一并轉運司計置到玉四片內一片可以造赤璋尚少六段今月六日已

是限滿竊慮逼促解造不前兼勘會紹興元年大禮造過蒼璧係降到玉段就材解造了當今相度欲將臨安府轉運司置到一色碧玉於卽碧上外來挿圭及乞依紹興元年明堂大禮已造過蒼璧黃琮量玉大小就材解造即未審于太常寺有無相妨本部今相度下太常寺指定據本寺狀勘會今來明堂大禮其所造禮神真玉如所屬委實計置不及禮經尺寸欲依紹興元年已造蒼璧黃琮隨宜製造詔依七年二月四日宗正少卿兼權太常太卿馮楫言契勘

本寺見管禮神真玉一十五段緣本寺庫屋與軍寨居
 民草屋相接即無看管兵級竊慮紂急火燭救護不前
 今欲乞權送太廟奉安所庫內寄收如遇使用即行關
 取事畢徑行送納詔依自後製造真玉並本所庫內寄收
 五月七日禮部太常寺言勘會將來大禮前二日朝獻
 景靈宮前一日朝享太廟共合用幣帛一十二段白卷一
 一各長一丈八尺小尺欲乞下戶部指揮左藏庫依丈
 尺分打用本庫印記限大禮前一月支供赴太常寺詔
 依十日禮部太常寺狀 明堂大禮前二日朝獻景
 靈宮依儀合用禮神真虎四圭有卽一依禮經四圭有
 卽卽徑六寸厚寸一四面圭各長一尺二寸博三寸如
 無此大玉只圭各長三寸令欲乞令工部下文思院計

置隨宜依樣碾造伏乞朝廷指揮劄付工部依所乞施
 行恐收買玉段不及即令太常寺畫樣行下福州以石
 依樣製造於大禮前五日赴尚書省送納不得少有違
 誤

六月五日宗正少卿兼權太常少卿馮楫言勘會近承
 聖旨將見管禮神真玉般發赴行在應副明堂大禮使
 用行宮本寺契勘見管禮神真玉共一十四段今欲乞
 將蒼璧等真玉一十三段先次交付臨安府所差使臣
 同本寺供官管押前去外有黃琮一段乞行權留應副
 五月二十五日夏至日祭皇地祇并六月土王祀黃帝
 使用候禮畢乞下吏部差小使臣一員管押前去本寺
 交割所有將來七月以後祠祭合用禮神真玉緣行在

中興禮書第五十七卷

吉禮五十七

明堂禮料一

紹興元年四月三日禮部御史臺太常寺言同共條具
 到明堂合行事件下項 一大禮排辦禮料酒齊等自
 來係光祿寺前期備辦緣今來光祿寺省罷欲乞令太
 常寺將合用禮料酒齊名件斤重升合下越州預先計
 置令本州專置庫屋收貯如闕本色令太常寺看詳以
 時物充代所用祠祭酒并五齊三酒係法酒庫醞造今
 來大禮合用酒齊欲乞令步軍司將拘收法酒庫兵匠
 選差五人赴越州別置醞造令太常寺具合用酒齊名
 色升合報本州仍乞拘收舊光祿寺祠祭官赴寺指教

排辦禮料醜造酒齋與支太常寺第二等供官請給
一將來大禮正配位合用牛犢羊豕係每位用副各一
今來欲乞除正牛犢羊豕不可裁省外乞將副犢羊豕
三正備一副仍乞候有司討論定神位令太常寺具牛
犢實數報兩浙轉運司收買應副所有合用羊豕亦令
具數下越州收買應副其上件牲牢依條前九十日入
滌仍乞令收買去處限前四箇月津遣赴寺驗訖送牛
羊司入滌詔依

七月二十八日太常言參酌禮例格令合排辦事件下
項 一合用秉燭二十四條常料燭二條乞令兵部行
下儀鸞司支給赴寺并合用縮酒茅四束肺祭茅四束
升煙柴五百斤燎草八束乞下赴州應副 一合差擡

擎祭器法物神席兵士三十人擡擎禮料酒齋神厨物
色升煙柴燎草兵士三十人擡擎大樂法物兵士二十
人乞下殿前司步軍司依條例 差仍令殿前司差管
押人員一名並於大禮前一月到寺及合差擡擎灌茅
祭酒親事官四人乞令皇城司依自來條例差撥於大
禮前十日到寺詔依

四年四月六日禮部太常寺言今條具到合行事件下
項 一蠟燭正配位并椽燭八條秉燭一十六條常料
燭一千五百八十四條欲乞下兩浙轉運司行下行管
州軍分造赴太常寺送納 一昨來明堂大禮應合用
禮料係太常寺具合用名件斤重升合下紹興府專委
官預先計置收買本府專置庫屋收貯如闕本色以時

寶齋堂
物充代所有今來大禮欲乞下臨安府依上件禮例排
辦一契勘昨明堂大禮合用五齊三酒係太常寺具
合用酒齊名色升合報紹興府應辦米麩等別置庫醜
造內合用酒匠係令步軍司拘收法酒庫工匠醜造所
有今來明堂大禮欲乞並依前項禮例令臨安府應辦
一昨來明堂大禮每位合用正副牛犢係令太常寺
具數牒兩浙轉運司收買其合用羊豕亦係具數下紹
興府收買應副其上件牲牢依條前九十日入滌仍乞
令收買去處限前四箇月津發赴寺驗訖送牛羊司入
滌如法養餒所今來明堂大禮欲乞除牛犢令兩浙轉
運司收買內羊豕乞令臨安府收買其收買并入滌日限
並依前項禮例施行詔依

十六日禮部太常寺言已降指揮參酌損益務崇簡儉
勿為無益徒有耗費令禮部太常寺條具聞奏今條具
裁省事件數內將來明堂大禮已降指揮令兩浙轉運
司收買正副牛犢各四臨安府收買正副羊豕各二十
二每一正備一副今欲乞除牛犢並依舊數外將前項
羊豕每二正只備一副係省減羊豕共二十二詔依
十七日禮部太常寺言勘會自來明堂大禮合差親事
官一十人入殿般擎神酒禮料看管撰慢內牲牢燈燭
等并合差親事官四人擡擎縮酒茅並下皇城司前十
日差撥赴太常寺事畢發遣今來欲乞依上件禮例令
皇城司差撥詔依自後此
六月六日禮部言准都省送下太廟景靈宮提點奉迎

所申為將來明堂大禮乞降前二日奏告祖宗配侑御封香祝等送部勘當申尚書省尋下太常寺勘當到下項 一紹興元年明堂大禮前一日遣官詣太廟別廟行禮其所用牲牢准太常寺看詳遣官行禮即與親祠事體不同除牛犢不排辦外所有羊豕各一十一令溫州收買置滌官養餒將來明堂大禮用與不用牛犢更合取自朝廷指揮契勘紹興元年朝饗太廟行禮係用羊豕不用牛犢今勘當欲依紹興元年禮例用羊豕行禮 一將來明堂大禮前二日奏告并遣官行禮合用燭幣酒齋禮料蕭嵩隨祭縮酒茅苴炭火行禮官等致齋合排排辦事件並乞令溫州排辦今勘當欲依本所乞施行詔詔依

八月二十五日禮部太常寺言契勘明堂大禮依儀前一日未後宰殺牛犢羊豕太官令監視光祿丞監饌神食及自來每遇大禮係光祿卿監察御史至饌造了畢詣神厨展視神食在京明堂光祿卿監察御史係內中致齋今來明堂大禮光祿卿監察御史並本司致齋若候饌造神食宰殺了當已自日晚將閉內門今欲乞除太官令光祿丞就神厨宿齋外其光祿卿監察御史乞依儀於未行禮前詣正配從祀神位前點閱詔依自後

又自三十一以後光祿卿亦就神厨宿齋

九月十二日太常寺言皇城司奏檢准勅節文太常寺申明堂大禮條具到一項贊者供官樂工并擡擊牲牢神酒禮料法物祭器等禁軍及皇城司差到擡縮酒茅

看管饌慢親事官並各合被勅入殿門號令太常寺報
皇城司關借施行尋牒本寺勘會到贊者供官樂工掌
事掌器一百八十一人係是行禮時正在殿內并般擎
神酒牲牢禮料大樂祭器等禁軍二百一十人擡縮酒
茅般擎神酒禮料看管饌慢等親事官一十四人並是
未行禮前預入殿般擎舖設了當權出殿門俟禮畢却
入殿般出本司契勘贊者等合破勅入壇殿號外其般
擎禁軍并親事官既無殿內應奉職事即難以一等支
號今欲乞支借白木工役牌子照驗出入所貴易為辨
驗詔依

七年五月一日禮部太常寺言今續條具到合行事件
下項 一大禮前二日朝獻景靈宮前一日朝饗太廟

共合用秉燭九十六條每條重一十二兩 欲乞下江南東路轉
司行下所管州軍分造仍於大禮前四十日赴太常司
送納 一大禮前二日朝獻景靈宮合用素饌并前一
日朝享太廟合用禮料及遂處合用酒齋縮酒茅藉祭
器庫等欲乞具合用升合斤重名件數目下建康府一
就專委官預先醜造計置收買本府置庫收貯如闕本
色令太常寺看詳以時物充代仍於大禮前四十一日一
切畢備 一大禮前一日朝享太廟合用正副角握牛
犢各一十一并今契勘副犢若依自來條例收買竊慮
州軍難以應辦今欲乞依羊豕例每二正備一副具數
報江南東路轉運司仍限大禮前四箇月收買赴太常
寺呈驗訖送牛羊司入滌養餒其合用羊豕亦乞具數

報建康府收買每二正備一副於大禮四箇月收買呈
驗入滌養餒 一將來明堂大禮合用牲牢牛犢羊豕
並係於大禮前四箇月買發到寺看驗入滌養餒緣即
日本司本有滌宮今欲乞下牛羊司約度實用間數下
建康府修蓋滌宮牲牢庶得充膾詔依

二十八日禮部太常寺言今條具到下項 一勘會昨
紹興四年明堂大禮除兼祗應使臣禮直官各有本色
服外所有贊者供官樂工并擡擊牲牢神酒禮料法物
祭器等禁軍及皇城司差到擡縮酒茅看管饌幔親事
官並各合被勅入殿門號候差到具的確人數報皇城
司關借所有今來明堂大禮乞依上件禮例施行
三十年
九年 淳熙六年 一切會昨紹興四年明堂大禮係差
九年 並做此

御厨工匠三十人饌造神食兼預先差撥三五人前去
所屬指說安泥鍋竈並祠前一日合用明火饌造本厨
預先關報皇城司前一日計會合千人押明火赴御厨
饌造所有今來明堂大禮並朝獻景靈宮朝享太廟欲
乞依上件禮例施行
十年 依此
淳熙六年 九月差五十八人 詔
依

十年七月四日禮部太常寺言今參酌比附申請下項
一溫州景靈宮諸殿閣聖像神御前合行事件 一
合用御封降真香二十五合乞令入內侍省請降及
乞依例令本省差人計會學士院請領青祠祝文一就
齋降前去本宮交割 一依已降指令溫州知通於大
禮前二日分詣行禮外所有應合排辦事並乞依溫州

見今逐時排辦酌獻禮例排辦其合差太祝二員以文
臣有出身人充亦乞令本州差官應所差官並合於九
月七日致齋九月八日行事一內中承元殿徽宗皇帝
順承殿顯恭皇后顯肅皇后神御前合行事件 一合
用御封降真香三合乞令入內內侍省請降 一每位
合用酌獻牙盤食茶酒菓等並乞令四孟朝獻禮例令
御厨翰林司排辦供應 一合用器皿上香炭火拜席
等乞令本殿依例排辦 一合用燒祝版燎草三束并
真蠟燭八條乞下臨安府排辦赴司至日差人齋擎至
本殿供使仍報皇城司并天章等閣照會經由門戶放
入其焚燎祝版火乞依例令本殿排辦就火窰子內焚
燎 一依已降指揮合差侍從官一員分詣行禮今欲

乞候申請差明堂大禮行事官日一就具窠目申中書
省差官 一合差太祝二員以文臣有出身人充今欲
依例令吏部差官詔依

中興禮書第五十八卷

吉禮五十八

明堂禮料二

紹興三十一年四月十六日禮部太常寺言勘會將來
 明堂大禮并前二日朝獻景靈宮前一日朝饗太廟合
 行事務並依紹興二十八年大禮令有司各行檢照禮
 例排辦施行今條具到合行申請事件下項 一合用
 禮料等係依自來大禮體例開具合用數目報臨安府
 并藉田司計置排辦仍限前一月足備 一明堂合用
 椽燭八條各重三斤秉燭五十七條各重二兩欲乞依例
 報兩浙轉運司如法捍造限前四十日足備詔依
 同日太常寺言將來明堂大禮牛犢羊豕每兩正備一

副內祀天并配位共二位合用正牛犢二并副牛犢一并正羊豕各二副羊豕各一從祀一十五位合用正羊豕各八副羊豕各四前一日朝饗大廟合用正牛犢一十一并副牛犢五并正羊豕各一十一副羊豕各五同日分詣別廟合用正羊豕各一配饗功臣七祀合用正羊豕各一內祀天并配位牛犢合用角齒栗純黃色不帶破雄犢充其逐項犢母不拘毛色并要有乳其牛犢欲下兩浙轉運司其羊豕欲下臨安府依例收買並於大禮前九十日押赴寺看驗送牛羊司入滌兼收養牛犢欲依例令臨安府下市令司差撥醫獸三人交收看驗醫治合用藥材從本市具數下市令司應副詔依十九日禮部言准都省批送下臨安府申所有令次排

辨明堂大禮合用祀神五齊三酒未審若干數目伏望下太常契勘太常寺勘會將來明堂大禮并朝獻景靈宮朝饗太廟及分詣別廟并奏告及七祀配饗功臣合用五齊三酒并祠祭法酒共六碩七斗五升今看詳欲乞依逐次大禮禮例令臨安府依前項合造酒齋數目置庫前期如法醞造其合用酒匠亦乞依例令步軍司於所屬差撥曾經醞造酒匠五人赴臨安府醞造詔依七月八日禮部太常寺言勘會將來明堂大禮合用神厨并牲牢圈禮料酒齊胙肉庫屋共一十日尋闕會到修內司稱昨紹興十年所蓋神厨屋去處今來別無空閑地步可以修蓋今據合千人相視到射殿南廊外宴設厨屋一十間欲乞時暫踏逐充神厨等屋使用并屋

寶齋堂
下合行安設牲牢圈泥埋鍋竈修砌塹臺擗截庫房釘
設幃幕等並乞下修內司儀鸞司臨安府同共排辦及
令太常寺同御厨牛羊司各差合千人指說安設泥埋
修砌擗截釘設詔依

八月一日禮部太常寺言勘會將來明堂大禮并朝獻
景靈宮朝饗大廟今從宜參酌條具到合申請事件數
內一項前二日朝獻景靈宮前一日朝饗太廟別廟等
廟等處合用牲牢幣帛酒齊禮料等並乞依親行朝獻
并親享大廟禮例闕報所屬排辦所有明堂大禮合用
牲牢禮料酒齊玉帛等並乞依近降指揮排辦詔依
二十六日禮部太常寺狀准都省批送下新除太常少
卿王晉劄子竊惟明堂大禮并日後祠祭有合申稟事

件下項後批送禮部太常寺檢照典故看詳申尚書省
今檢照典故看詳下項 一神席莞係蒲藁鞞係穀稈
蒲越係麤蒲並合如法織造各盛以袋禮畢藏之敬則
焚之今有司神席取具臨時已即棄去殊不嚴潔兼以
葦簾為藁鞞以白草席為莞皆非是其蒲越亦不如法
欲乞改正謹按小雅下莞上箒箋云莞小蒲之席也正
義謂釋草云莞符籬郭璞曰今西方呼蒲為莞言小蒲
者以莞蒲一草之名而司几筵有莞筵蒲筵則有大小
之異為席有精為粗故得為兩種席也知莞為小蒲者
以司几筵設席皆粗者在下美者在上蒲筵績純加莞
席紛純明莞細而用小蒲也禮器莞箒之安而藁鞞之
設正義謂藁鞞除穗粒取稈藁為席郊祭不用莞箒之

可安而設藁鞞之粗席亦修古也郊特牲莞簟之安而蒲越藁鞞之尚明之也注蒲越藁鞞藉神席也正義謂今禮及隋禮藁鞞為祭天席蒲越為配地席俱藉神也本朝郊廟奉祀禮文引晉摯虞議郊丘之祀掃地而祭牲用繭栗器用陶匏事反其始故配以遠祖明堂之祭備物以薦三牲並陳籩豆成列禮同人禮故配以近考然則郊以遠人而尊故以天道事之堂以近人而親故以人道事之乃以莞席代藁鞞蒲越以玉爵代匏爵其豆登簋俎尊壘並用宗廟之器今郊祀用藁鞞蒲越而明堂用莞席並合如法製造盛頓敝則依祭器祭服之法焚而埋之仍改造新者庶合禮意前此有司承誤以葦簾為藁鞞白草席為莞席今看詳欲依本官所乞施

行 一簠簋之實黍係黃糯粟米稷係白粟米稻係粳米梁係梁穀米今有司唯稻用本色外乃以粟米為黍又代梁以糯米為稷皆非是欲乞黍稷稻並非本色其梁米本土所無即以糯米代之又籩實熬黍為黑當用柜黍今以粟為之非是亦乞改正謹按周官太宰三農生九穀鄭氏謂黍稷稻粱苽麻麥小豆也膳夫食用六穀鄭氏以食醫證之謂稌黍稷粱麥苽也九穀六穀皆有稷無粟有稌無稻釋草曰稌稷疏謂左傳云稌食不鑿稌者稷也曲禮稷曰明稌是也郭璞云今江東呼粟為稌然則稌也稷也粟也正是一物釋草又曰稌稻疏謂別二名也郭璞云今沛國呼稌周頌多黍多稌禮牛宜稌幽風十月穫稻為一物也字林云糯粘稻也杭

稻不粘者前此有司杭稻雖得其正而以糯稻為稷則誤矣許氏說文曰黍可以為酒今東人為之黃米用以造酒毛公詩傳以黃鳥為搏黍則黍黃可知說文黏黏二字皆从黍則黍可黏知少牢饋食禮佐食取黍于敦搏之以授尸今親祠太官令取黍於簋搏以授太祝皆為其黏故可搏也前此有司以粟為黍誤矣釋草又曰藁赤苗芑白苗䟽謂藁即今之赤梁芑即今之白梁紹興今文祀事禮料無本色者比類代充今近地既無梁米即以糯米代之可也釋草又曰秬黑黍李巡曰黑黍一名秬春官鬯人注云釀秬為酒今太廟所用秬鬯見以黑黍醞造然則遵實熬黍為黑亦當用黑黍前此有司乃熬粟米其色黃白而謂之黑則誤矣今看詳欲依

本官所乞施行 一簋各依一 共約實飯八升當用米四升今有司每一簋一簋共米一升殊為菲薄欲乞增米三升為飯庶得豐滿謹按考工記旒人為簋實一穀豆實三而成穀鄭氏謂豆實四升三豆則一斗有二升矣隋志唐令及本朝雜令皆以三升為一升今來本官乞一簋一簋共實飯八升是各實飯四升乃古之一斗有二升也前此有司每一簋各實飯半升近於菲薄今看詳欲依本官所乞施行 一大禮儀注遵豆簋簋並加巾蓋奠訖卻之今禮器雖有今巾蓋有司乃置而不用欲乞依儀遵加巾豆及簋簋加蓋設於饌幔報事官捧執以入禮部尚書升堂奠訖執事官以巾蓋降出庶協禮文謹按大禮儀注司奠奠帥府史及執事者以

祭器入設於位

凡設祭器皆藉以席又云實籩豆盞盞以升詣

於饌慢內次引禮部尚書詣饌所奉籩豆盞盞

神位前跪奠啟蓋於下前此有司不用巾蓋即與上件

儀注不同今欲依本官所乞施行 一大禮儀注凡壘

之實各視其尊謂如著尊一實元酒則著壘亦實元酒

又著尊一實醴齊則著壘亦實醴齊太奠一實泛齊則

太壘亦實泛齊之類今有司凡壘皆實明水非是欲乞

改正謹按大禮儀注良醢今即其屬入實尊壘

酒一實醴齊皇帝酌之壺尊二一實元酒一實盞盞

終獻酌之太尊二一實泛齊一實醴齊山尊二一實盞盞

齊一實緹齊犧尊二一實沈齊一實事酒象尊二一實盞盞

實昔酒一實清酒並設而不酌凡壘之實各視其尊 前

此有司凡壘不實五齊三酒皆實明水即與上件儀注

不同今看詳欲依本官所乞施行右劉付太常寺依看

詳到事理施行

淳熙六年四月七日禮部太常寺奏勘會已降指揮今

歲明堂大禮今有司除事神儀物諸軍賞給依舊製外

其乘輿服御及中外支費並從省約仍疾速從實條具

聞奏及申尚書省今參酌逐次大禮禮例條具下項

一依已降指揮明堂大禮合祭天地並侑祖宗從祀百

神並依南郊禮例今照得郊祀大禮排設籩豆禮料數

內第一龕五方神神州地祇大明夜明天皇大帝北極

十位依儀係用十籩豆禮料其餘從祀神位並用二籩

豆禮料數內五方帝神州地祇太明夜明天皇大帝北

五行五官五嶽二十五位依儀並用十籩豆禮料其餘

從祀神位並用二籩豆禮料所有將來明堂大禮所設

從祀遵豆禮料欲乞依逐次明堂大禮禮例施行兼契
勘昨淳熙三年郊祀大禮圓壇并望祭奠禮料依禮例
排辦兩料今來明堂大禮止合排辦一料欲乞從太常
寺依逐次大禮禮例具數關報所屬排辦 一勘會逐
次郊祀大禮圓壇正配四位係用特牲今來明堂大禮
依逐次明堂大禮禮例係每位各合用牛羊各一及郊
祀大禮從祀衆星共七百七十六位共合用羊豕各一
十五今檢照皇祐大饗明堂記五帝神州用犢六所有
羊豕亦依郊例合用十六以薦日月以下從祀神位詔
可及紹興四年明堂大禮已降指揮從祀用羊豕各二
十二所有今有明堂大禮五方帝以下從祀神位合用
羊豕欲乞依紹興四年已降指揮用羊豕各二十二其

前項合用牛羊豕仍依逐次大禮禮例行下所屬採

買應辦詔依

九年
此

同日禮部太常寺言所有今有明堂大禮其太常寺應
合行檢舉排務乞並依淳熙三年郊祀大禮已降指揮
排辦詔依今檢舉下項 一檢點禮經用鬱金香草煮
以和秬黍造鬱鬯酒合下信州收買三十斤發赴太常
寺應副趁時造麴醞酒 一檢照紹興三十一年太常
少卿王普言謹按周官凌人祭祀共冰鑑先儒謂鑑以
盛冰置食物於中以禦溫氣本朝在京有水井務季冬
藏冰仲春開冰皆饗司寒凡祭祀共冰如禮今行在雖
不置水井務然三衙所藏冰雪甚多唯祭祀未嘗用之
誠為闕典况將來明堂大禮天氣尚溫前一日晡時宰

割牲牢隔夜製造神食若無水鑑恐不鮮潔欲望朝廷
行下三衙據本寺關報應副神厨合用水雪仰稱明德
以薦馨香之意今來合用報殿前馬步三司供水一千
八百五十斤赴景靈宮太廟明堂厨供使 一合用果
實等各於祠前一日令光祿丞同太官令監視用淨香
水如法洗擇烘焙務要潔淨 一依已降指揮合差官
守宿監視禮料等先是乾道三年郊祀大禮應合用牲
牢禮料酒齊並係臨安府差官專一排辦置庫收貯各
於祀前一日齋奉逐處祠所大禮使已下立班點饌畢
盡赴神厨係光祿丞太官令守宿監臨饌造各於行事
時前實設以俟行事其臨安府見今排辦牲牢禮料酒
齊未曾差官守宿監視竊慮不致嚴潔今欲令臨安府

所差排辦官在庫守宿監視各至祀前二日齋奉管押
赴祠所却令太常寺官就祠所點檢守宿施行庶得嚴
潔詔依太常所申續據臨安府申差通判提督點檢椿
辦禮料

逐項檢舉九年並做此

十日太常寺言勘會今來明堂大禮所有應用酒齊禮
料什物幕次等並係臨安府排辦緣今來大禮日近竊
排辦未備欲乞依例專委臨安府知府提領所貴不致
臨時誤事詔依

九年做此

八月十九日中書門下省言勘會明堂大禮所用祭器
果實合前期如洗法滌詔今都大提舉主管鄧又陳子
常躬親監視洗滌祭器用香水淨洗果實并安頓去處
並要嚴潔

九年同此制內都大提舉差劉慶祖霍汝弼

中興禮書第五十九卷
吉禮五十九

明堂祭器

紹興元年三月八日太常寺少卿蘇遜等言勘會將來大禮合祭天地並配祖宗所有合用大樂祭器乞令兩浙江東路轉運司取索所屬州軍縣鎮具見管的確數目椿管祇備將來大禮供使竊恐州縣並不盡數供申及有損壞名件亦不脩整有誤使用欲乞朝廷特降指揮下兩浙江東路轉運司責限雅飾修整先行開具的確數目供申朝廷下本寺相度合用數目津發赴行在使用詔依

四月三日太常寺言條具到明堂合行事件下項 一

祀天并配位用匏爵陶器乞令太常寺具數下越州製造仍乞依見今竹木祭器樣製燒造 一將來大禮依儀皇帝盥洗合用盤匜飲福合用玉爵欲乞下工部指揮所屬做舊制隨宜製造詔祭器候討論定合設神位仰太常寺具合用數目令臨安府製造餘依
 五月十九日工部言文思院料到製造大禮壇上合用飲福渾金注椀一副爵培一副金鍍銀湯甌一火燎子一副瀝羅子一朱紅漆桌子一金漆桌子二詔金銀令戶部依數應副候用畢並赴左藏庫寄納
 二十六日禮部太常言勘會將來明堂大禮見闕鼎豆下項牛羊豕鼎各四并高畢二幕全受黍豆一并蓋並係用銅鑄并隨鼎合用名件乞下工部文思院疾速鑄造應副將

來明堂大禮使用若已後更有緣大禮合創行或添修雅飭名件亦乞令開具名色數目申工部下所屬製造詔依

四年四月十九日權工部侍郎蘇遵等言勘會近奉聖旨陶器令紹興府餘縣姚燒造餘並令文思院製造本部契勘昨紹興元年明堂大禮其合用禮儀物色內除祭服并銅器係文思院造作外有竹木祭器並是紹興府製造應副今相度欲將祭服銅鼎令本院造作外其竹木祭器令太常寺畫樣依例臨安府支破官錢分下諸縣依樣製造並於大禮前六十日一切足備赴太常寺送納詔依

二十七日禮部侍郎陳與義等言太常寺申勘會昨建

炎二年郊祀大禮其所用祭並係于東京般取到新成禮器紹興元年明堂大禮所用祭器為新成禮器渡江盡皆散失申明係依三禮圖竹木及陶器樣製造應副了當今來明堂大禮所用祭器係令太常寺畫樣令臨安府下諸縣製造本寺契勘新成禮器昨除兵火後常州繳納到簠并壺尊山犧壘各一外其餘尊壘籩豆爵坩并簠之類並無樣制亦無考古圖冊照據今來未敢便依紹興元年明堂大禮例畫竹木祭器樣制詔依紹興元年明堂大禮所用三禮圖樣製造同日工部言據太常寺申契勘今來明堂大禮正配四位合用陶器已降指揮下紹興府餘姚縣燒造其從祀四百四十三位合用竹木祭器已令臨安府製造數內

木太尊二十四隻今續討論到依周禮禮記儀禮其太尊係用瓦為之合行改正欲乞申明朝廷令指揮兩浙轉運司行下紹興府餘姚縣一就燒造瓦太尊二十四隻供使詔依

七月二十八日禮部太常寺言將來明堂大禮合用祭器等約九千餘件見今紹興府燒造陶器臨安府文思製造竹木器等將欲畢備委實別無安頓去處乞下臨安府指揮所屬權令置庫安頓詔依

七年五月七日禮部太常寺言今續條具到合行事件下項一朝饗太廟合用玉珪瓚并渾金瓚盤緣今來太廟見管係金鍍銀珪瓚外見闕瓚盤今相度隨宜權用見工部下文思院計會太常寺樣制造作及雅飾珪

璜 一朝獻景靈宮并朝饗太廟合用祭器除太廟奉
安所見掌管掌祀竹木祭器等外尚有闕少數目錄太
廟常祀祭器昨在溫州一時造作雖依樣制又緣與紹
興四年明堂大禮造到祭器容受不同今欲乞權宜用
太廟見管祭器外若更有闕少名件令太常寺開具數
目內竹木祭器報建康府止依本朝見管樣制一體貼
造銅器報文思院製造及令文思院檢計雅飾添修太
廟見管祭器詔依

同日禮部太常寺言將來明堂大禮皇帝朝獻景靈宮
行禮合用真玉爵三瑤爵六并朝饗太廟合用真玉爵
二瑤爵二內真玉爵合下文思院收買真玉依樣製造
其瑤爵係用珉石造作今來慮恐行在所屬難得真玉

珉石契勘福建路有出產白石似玉今相度欲乞將太
廟見管爵蓋樣制專委福州守臣收買白石依樣製造
爵蓋共一十五隻權宜充代供應令本州用匣褥複帕
襯藉收盛差使臣一員同兵級星夜管押前來行在太
常寺交納詔依

八月十七日太常寺言明堂大禮提點一行事務李彌
遜劉子勘會合用四圭真玉并爵蓋已降指揮用白石
令福州守臣製造竊慮道遠路遙臨期悞事欲預令太
常寺重別討論製造充代劉付太常寺重別討論申尚
書省本寺今討論到下項 一合用玉爵檢會皇祐明
堂記皇帝詣聖祖天尊大帝座前北向搢圭跪進酒再
進酒三進酒蓋用金器內侍二員進酒接蓋所有今來

合用白石爵盞若於大禮前半月福州未行發到乞從
本寺申工部下文思院打造金爵盞一十五隻於受誓
戒前赴寺送納事畢付左藏庫交收 一今來合用四
圭有卽若於大禮前半月福州未行發到欲將本寺見
管兩圭有卽元揆插玉二段令文思院拆圭頭安插作
四圭有卽候九月二十日朝獻景靈宮行禮畢却令本
院日下依舊補飾充兩圭有卽應副明堂大禮供使詔
爵盞已行製造如大禮前半月福州所造爵盞未到本
寺自合一面請降餘依討論到事理施行
二十四日知福州張致遠申躬親選擇石段監視依元
降式樣製造到爵盞一十四隻及準備爵盞三隻四圭
有卽一段契勘所造圭爵為無成片大石係三段連接

并四圭有卽係依樣揆插造成劄付太常寺收管九月八日

禮部大常寺言勘會降到福州元造白石四圭有卽并
爵盞並係三段或四段接合粘緞或就除四圭有卽可
隨宜使用外其爵盞窈恐臨期洗爵酌獻之際或致脫
落乞依已降指揮請降御前所造爵盞赴寺供使其合用
畢令太廟奉安所置歷如法收盛詔依

九年八月十五日禮部太常寺言來年係大禮年即合
預行申明未審行是何典禮詔將來行明堂大禮其祭
服禮器令禮部太常寺更加討論

十月二十二日禮部太常寺言今遵依指揮討論祭祀
服用欲且遵依紹興四年已得指揮外其所用爵以木
為爵形而背上負尊按郊廟奉祀禮文謂許氏說象爵
之形中有鬯酒又持之也昨來臣僚看詳以謂不應古
制欲做古刻為爵形鑿其背以實酒以應說文中有鬯

酒之義又攷禮象銅爵之制有首有尾有柱有足有柄
正得古制兼昨來政和年間已曾依此改正鑄造緣渡
江之後類皆散失兼昨紹興七年明堂大禮御前降到
古銅爵依得禮象制度今來合將木爵並行改正用銅
製造欲乞送工部下文思院依樣製造銅爵并坩內皇
帝飲福爵依禮經合用玉爵今來若闕真玉即乞依紹
興七年禮例用金爵仍令翰林司供應即不須更行製
造詔依

十年二月一日工部言據文思院下界申契勘近承指
揮改造將來明堂大禮合用銅爵酸并坩依古爵禮象
製造四百五十二隻爵坩合依本寺見管禮象內樣製
造四百七十二片本院計料造爵坩一副合用工料並

係下所屬庫務支買使用內銅止有受納到信州鉛山
縣山礦生銅夾雜錫滓生鐵鑄造功細物色不行兼本
院全闕鑄鑄工匠今詢問得建康府句容縣多有銅匠
造作銅古器貨賣制作精緻乞朝廷指揮建康府下句
容縣計置依樣鑄造詔降樣付建康府措置依樣製造
務要精緻及於前期一切了畢仍專委留守司

三十一年五月十一日禮部太常寺言准御札節文今
年九月有事于明堂今檢准國朝會要政和七年四月
十八日禮制局言郊用特而明堂用牛羊豕郊用匏爵
而明堂玉爵其餘豆登簋俎尊罍並用宗廟之器但不
設彘不裸所有今來明堂大禮欲乞依上件典故施行
詔依

淳熙六年九月
明堂並做此

八月一日禮部太常寺言將來九月二十日明堂大禮前二日朝獻景靈宮并前一日朝饗太廟今從宜參酌條具到合行申請事件下項數數內前二日朝獻景靈宮合祭用器黃帕悅巾修築燎壇并前一日朝饗太廟別廟合用殿室法物祭器黃帕悅巾神厨什物神門戟槩等並乞依親行朝獻并親饗太廟體例闕報所屬照應已降指揮修飾排辦詔依

淳熙六年四月七日禮部太常寺言已降指揮今歲明堂大禮令有司除事神儀物諸軍賞給依舊制外其乘輿服御及中外支費並從省約仍疾速從實條具聞奏

及申尚書省今參酌條具到數內明堂大禮并朝獻景靈宮朝饗太廟別廟分詣九宮貴神太社太稷及麗正門肆赦合用登歌宮架大樂樂架樂器名件二舞引舞執色樂舞服著法衣等并合用竹木銅陶祭器黃帕悅巾拭爵巾等並係事神儀物經隔年深雖前次大禮所屬檢計量行修換雅飾今來又經三年及歲中逐時祀祭使用其竹木祭器綠梅蒸膠水脫落黃帕悅巾拭爵巾顏色清損不堪供使及樂架樂器引舞執色法衣內有委實破弊不堪名件乞令修飾官司檢計修換雅飾修整施行詔依

五月十三日禮部太常寺言昨乾道三年郊祀大禮所有合用祭器已降指揮前期輪太常寺官躬親監視如

法洗滌務潔淨不得減裂監察御史躬親檢察并淳熙
三年已降指揮令都大提舉主管官躬親監視滌濯祭
器欲乞前期般運赴麗正門裏宮門外東西廊屋下安
設令儀鸞司同臨安府用夾幕如法釘設遮護伺候太
常寺官并都大提舉官洗滌候滌濯訖般運赴新置便
門裏東西廊屋下如法安設用夾幕釘設遮護所有洗
滌及習儀前期合差供官軍兵般運祭器官物入殿鋪
設並各合用入出皇城門并經由宮殿門牌號乞報皇
城司關借詔依景靈宮太廟合用祭器亦依上件禮
例前期輪太常寺官躬親監視洗滌
八月十九日中書門下省言勘會明堂大禮所用祭器
果實合前期如法洗滌詔令都大提舉主管官躬親監視
滌濯祭器用香水洗淨果實并安頓去處並要嚴潔

二十九日明堂大禮都大提舉主管所奉詔取箋香一
兩降付太常寺充洗滌祭器等使用先是乾道三年郊
祀降指揮前期輪
太常寺官躬親檢察洗滌祭器果實等
後
又降香同都大主管官洗滌遂以為例

中興禮書第六十卷

吉禮六十

明堂祭服一

紹興元年五月十五日御史臺禮部太常寺言同共條具到明堂大禮合行事件下項 一太常寺會到御藥院皇帝冠冕法服大圭縑藉見隨行在收掌欲乞將來大禮行事依儀皇帝服衮冕亞終獻行事執事官服祭服前導陪祠官服朝服應奉人服法衣所有朝祭服乞令工部下所屬製造 一奏請皇帝致齋日依儀皇帝服通天冠絳紗袍百官並服朝服應奉人服法衣今來所用朝服法衣數多竊慮難以旋行製造欲乞是日皇帝服履袍百官並應奉人並常服立班奏請一行事執

事官大禮使至少府監共七十五員

內禮部侍郎二員
太府卿少府監各

一員禮部郎中二員乞服常服外共製造祭服朝服六
十九副及造祿朝服六副共七十五副太常寺應奉
人絳公服一十五副緋羅寬衫等
二十三副緋施寬衫等五十七副詔依

七月十日禮部狀准都省批送下太常少卿蘇遵等劄
子契勘大禮所用朝祭服雖止七十餘副然用羅帛金
銀犀玉之類已自不少工作甚衆文思院難得精工若
下州縣差雇必致煩擾欲乞除亞終獻祭服外其餘與
祭官並只用常服庶免煩費批送禮部相度本部按禮
經無田祿者不設祭器有田祿者先為祭服注云祭器
可假祭器宜自有又曰君子雖貧不鬻祭器雖寒不衣
祭服以此觀之古雖士大夫之家未有以常服與祭者
况宗廟朝廷之祀乎契勘今年合行郊祀大禮緣多事

之際務從簡易遂有明堂之議續奉詔書欲遵皇祐二
年宗祀明堂制度本部又參酌止乞合祭天地奉太祖
太宗以配元奏稱禮專而事簡庶幾可以致力於神明
然後申飾攸司各揚乃職犧牲必成棗盛必潔衣服必
備以盡其所以致力於神之意當時侍從臺諫集議唯
於所議神位小有不同其餘亦皆無所損益尋奉聖旨
依今若一切務從簡省盡棄禮文竊恐一朝大典在於
國體有所未安本部相度欲乞依先議定典禮及已降
聖旨施行申都省後批送禮部准備朝服六副更不製
造外餘依禮部相度到事理施行
八月七日禮部太常寺言文思院申契勘先造過大禮
朝祭服綿綬合用錦數在左藏東庫別無本色見在應

副契勘將來明堂大禮文思院見造朝祭服內錦綬自來係用天下樂八答纛錦方勝宜男黃師子白師子簇四金鵬錦共六等若或左藏庫委實闕逐等錦名色今相度欲將本庫見有別名色錦依高下等等權行充代詔依

四年五月十日禮部太常寺言御史臺奏契勘將來明堂大禮合行儀令事件 一自來大禮依本臺儀陪祠官並朝服結佩前三日午前奏請皇帝致齋奏請畢宿於朝廷今來欲依紹興元年明堂大禮只用常服奏請畢宿於本司致齋無本司者宿於臨安府踏逐到宿齋去處 一自來大禮本臺主管班次引贊官知班係入殿并禁衛內往來編排報引陪祠并肆赦等官班次

依本臺條例引贊官入品知班并合服介幘絳公服用官人服本品朝服禮部太常寺相度欲令工部製造絳公服四副絳窄衣七副二梁冠朝服二副緋羅衫幘三副所有陪祠官今欲依紹興元年明堂大禮例並常服陪祠詔依

十六日太常寺言准幹辦御藥院郡鄂等劄子奉聖旨太常寺將來明堂大禮御藥院官并扶侍官等一十員依舊例造朝服一十副至日服著

二十七日閣門言契勘近奉聖旨將來大禮應前導并進中嚴外辦解嚴牌官及引進中嚴外辦解嚴牌閣門宣贊舍人提點承受等並服朝服餘覺察侍立閣門宣贊舍人已下並服常服昨紹興元年前導樞密并諸房

副承旨閣門官已曾經服朝服外近供申朝廷前導樞
密副都承旨一員進嚴中等牌閣官二員引進中嚴等
牌宣贊舍人二員提點承受兼祇應使臣二員並合添
造朝服共七副乞下所屬製造詔依
六月二十二日禮部太常寺言檢准國子監丞王普劄
子具到明堂大禮致齋侍立以樞密院閣門官謹按唐
開元禮大祭祀致齋及鑾駕出宮皆以侍臣夾侍于前
侍臣謂侍中中書令以下凡兩省官是也今則兩省官
不得侍立皆與舊典不合今雖不置亦當攝事欲乞並
依故事差官奉聖旨依勘會今來來侍立侍臣係侍中
中書令兩省并諫官約八員於禮各服朝服欲乞指揮
工部下文思院創造朝服八副詔依

七月五日禮部太常寺言臣僚上言昨具奏今歲明堂
大禮陛下唯內盡其誠則神靈顧歆福祉降格不必在
于備物矧干戈未職自難依承平故事臣面奉聖訓謂
正當務崇簡儉繁文未節無益于實所宜痛削既已敕
有司施行然尚未能仰體聖意議禮者不過人曰主祀
天地為國盛典情文不可以不備至殊不知禮有隆殺
在于因時易于損則曰曷之用二簋可用享於坎則曰
樽酒簋二用缶納約自牖于既濟則曰東鄰殺牛不如
西鄰之禴祭實受其福聖人豈虛言哉伏見御輦院已
雅飾平輦復製造道遙子工部申以無細功工匠約用
金九千餘兩雖已降指揮用銀而塗金聞他所須物料
皆非尋常易得者恐難于卒辦昨來紹興府亦不曾製

造陛下自南渡以來於服用之物未嘗少增飾孰不知
之比必非陛下之意又修內司乞雅飾朝殿殿門東西
兩廊南北宮門及女頭新置便門露籬應于廊廡皆加
丹腹臣竊謂此于欽祀何所補哉陛下親祠不出行宮
門而週回空墻以至便門至欲煥然一新果安用之臣
嘗考周宣王中興詩美其修車馬備器械因田獵而選
車徒固不急于稽古禮文之事今強敵蓄謀未已叛逆
竊據中原日夜窺我邊陲而朝廷百司緣明堂大禮講
求儀物十居七八方大興土木之役廣求雕鏤文繡欲
為觀美百工之事及于旁郡此皆有司之過大抵不識
事體者唯欲興作因以規利不顧其他臣非不知三歲
大禮陛下躬執圭幣欲感通于上下神祇凡百豈可苟

簡唯其間實可緩及不必備者伏望睿旨取見今百司
所創建製造照應紹興元年體例可罷者罷之可減者
減之無牽於侈誕之說務存其實庶為盡善取進止勘
會昨紹興元年明堂大禮止係正配四位今來明堂大
禮添從祀百神四百餘位兼雅飾朝殿門廊等已降指
揮住罷外奉聖旨道遙子權住製造其餘祭器什物等
令禮部太常寺更切講究有無可減之數具狀申尚書
省今講究條具裁省下項一舊差分獻官一百員今止
乞差三十五員舊差奉禮郎六十員今止乞差五員舊
用贊者一百二十四人今止乞差五十九人用供官一
百二十人今止乞差七十七人已減造緋羅絹衫幘
舊用副羊豕各二十二口今已各減一十一口一契勘

先造祭器名件除依四月十六日指揮減衆星物件外並係的實數目今于數內再行裁減下項單盤八面黑漆匱食九面今各欲減二面素木偏釘一十張今欲減二張黑漆腰輿九副今欲減二副準備匏爵并玷三副今欲減一副準備俎三十隻今欲減一十五隻汲水桶一十五隻今欲減五隻醴齊盎齊泛齊緹齊沈齊事酒昔酒清酒逐色各備副酒一斗今欲各減半從祠祀祭副酒五斗今欲減二斗一節次承指揮製造下項朝服緣紹興元年並不曾製造今欲並行裁減止服常服御史臺朝服二副絳公服四副絳窄衣七副太常寺朝服四副詔依禮部太常寺講究再裁減到事理施行九日禮部太常寺言檢會國子監丞王普劄子具到明

堂大禮有未合典禮事件數內祭服鷩冕為八旒毳冕為六旒希冕為四旒元冕無旒共為四等奉聖旨並依今檢會郊廟奉禮祀文資政殿大學士以上侍祠服鷩冕觀察使以上服毳冕監察御史以上服希冕朝冠以上服元冕選人以上服爵弁以應古制元豐三年二十二日中書劄子奉聖旨依奏不用爵弁東頭供奉官已下至選人盡服元冕無旒今參酌到將來明堂大禮所差侍祠行事執事官依自來禮例並隨攝事所服大禮使亞獻終獻左僕射已上並服合鷩冕八旒吏戶禮兵刑工部尚書吏禮刑部侍郎已上並合服毳冕六旒光祿卿讀冊官監察御史舉冊官分獻官已上並合服希冕四旒光祿丞奉禮郎協律郎進搏黍官太社合良醞

寶齋堂
令大官令捧俎饌等官供祠執事內侍已上並合服元冕無旒詔依

中興禮書第六十一卷

吉禮六十一

明堂祭服二

紹興七年四月二十一日禮部太常寺言今條具到下項一依儀皇帝服袞冕行禮禮儀使樞密院官太常卿閤門官太常博士禮直官分左右並服朝服前導昨紹興四年明堂大禮依儀皇帝服袞冕行禮前導官並服朝服唯前導并奏請禮直官為製造朝服不及止服常服前導應奉顯是所服不一兼贊引公卿禮直官已是本品法服所有今來明堂大禮前導內有官禮直官欲乞下工部指揮文思院製造朝服二副所貴嚴肅一行宮祇候庫見管昨來明堂大禮行事官朝祭服并

寶壽堂
祇應人衫幘法衣等今來明堂大禮欲乞令行宮祇候
庫除應太副行宮太常寺逐時祠祭祭服衫幘等留在
行宮本庫供使外仍將應干朝祭服法衣衫幘等並令
本庫差專庫管押前來行在祇候庫及令本庫牒文思
院差人檢計雅飾若有合創造名件令太常寺具數申
工部下文思院製造並於大禮前十四日畢備詔依
五月七日禮部太常寺言今來所差官並合服祭服行
事內除良醜令昨明堂大禮已造祭服外若其餘官並
行製造祭服竊慮數目稍多今欲乞將薦牛羊豕俎官
三員并進幣爵酒官受爵酒官進幣官受幣官壘洗奉
爵官奉瓚盤官九員乞令工部下文思院製造祭服外
其薦香燈官宮闈令各一十一員乞依常饗禮例止服

常服行事詔依

九月五日禮部太常寺言勘會將來明堂大禮續參酌
事件下項 一依已降指揮有官禮直官二人前導應
奉許服朝服已令文思院製造朝服二副訖今來除官
禮有官禮直官一名外餘一名許正禮直官權攝應奉
欲乞許服朝服所貴一體 一勘會今來逐處習儀并
前十日受誓戒前一日省牲點饌太常寺贊者供官並
合服幘頭緋衫腰帶樂工係介幘緋衫緣今來見于六
曹寺監等處借差到贊者供官若令旋行製造委是應
辦不前今欲乞除太常寺舊管贊者供官依上件所服
外其餘並依樂工例服介幘緋衫勒帛趨赴祇應詔依
十年四月十日工部狀據文思院下界申本院近準太

寶齋堂
常寺條具申請將來明堂大禮合用登歌大樂并宮架樂舞合行事件等令契勘宮架祇應工等人合法服衣內緋紫皂繡花搭鸞衫袍衣抹額共一百八十餘件止乞打造纈帛充代貴得省簡本院今來無花搭樣制兼昨造輦官服著纈衫係御輦院彩畫合用花樣送左藏庫下臨安府開板本庫支給生帛打造纈帛赴院送納應副使用今來太常寺申請造補花纈衫等乞指揮太常寺彩畫每件合用花搭數目大小尺寸樣制送左藏庫依例報所屬鑄造花板打造纈帛赴庫支給前來本院造作後批送工部依所申施行

二十八日禮部太常寺言今來明堂大禮已降指揮添設宮架樂舞依儀合差押樂太常卿并殿下協律郎各一員其逐官并合服祭服欲乞工部下文思院製造施行詔依

五月十八日御藥院言奉聖旨將來明堂大禮行事等官服著朝服等數少令御藥院申明朝廷下所屬依品秩貼造內御史臺閣門應奉人合用法衣令逐處供報實數造作朝服一百五副殿中少監奏奉神主官太史令執燭官各一副設繅藉官尚醞奉御官捧進俎官灌茅祭酒官引冊官禮直官各二副升殿等應奉內侍官一十五副奏請致齋陪祠行事宰執使相侍從臺諫武臣正任已上七十副祭服六十五副右僕射刑部尚書刑部侍郎各一副舉鼎官三十二副供亞終獻盥洗爵坵官八副宮闈令薦香燈官各一十一副監焚瘞玉帛

并酌酒內侍朝服^共二副詔行事官朝祭服依已得指揮
令文思院製造候了畢赴祇候庫送納

六月五日禮部太常寺言契勘昨遇明堂大禮其登歌
樂工係服緋絹寬衫白抹帶介幘今來明堂大禮其宮
架樂工已請到指揮令文思院造緋纈鸞彩并抹帶平
巾幘所有登歌樂工亦合下文思院一就造作四十五
副與已造宮架樂工舞色法衣並送祇候庫收管詔依
八月十八日禮部言工部狀據文思院申近承指揮製
造明堂大禮行事官朝服一百七副祭服六十五副計
一千八百餘件除已製造送納祇候庫外止有錦綬一
百一十件元料用合八搭暈錦簇四金雕黃師子錦白
師子錦葵花錦方勝練鵲錦青荷蓮錦造作左藏庫見

闕本色錦于椿管激賞庫拔到錦五十段內其錦色不
同太常寺牒稱今既闕合用錦自合將請到以色額高
下隨宜造作所有御史臺刑部官合用青荷蓮錦難以
用紅綠充代本院除將合用紅錦隨宜造作使用外數
內有青荷蓮錦綬共九件委是庫闕今乞權以青羅隨
宜生色彩畫荷蓮充代候左藏庫有本色青錦日依舊
造作禮部太常寺看詳欲乞權依文思院所申施行詔
依

三十一年六月十三日給事中黃祖舜等言本省先承
尚書劄子臣僚言將來明堂禮物等有支費浩瀚可
減者減之可罷者罷之奉聖旨令中書門下後省看詳
又承已降指揮將來秋季大饗明堂方時多事理合從

宜可令禮官詳議以聞本省看詳今來文思院上下界
添修五輅及軍器所各有見行造作添修換造法物等
工作欲乞權令截日住工聽候朝廷指揮詔依看詳到
事理施行

二十三日權尚書省工部侍郎黃中劄子勘會文思院
見有添修換造禮部中嚴外辦解嚴牙牌并合用竹冊
及閣門班齊排太常寺朝祭法服太史局神位牌等竊
慮內有將來明堂大禮不可少闕合用名件緣去大禮
月日不遠臨期造作不前今欲乞從本部行下應元申
乞添修造作去處自今降指揮下日限三日指揮將來
實合要用之數申取朝廷指揮行下文思院添修造作
施行仍令本院將已造不須排辦名件關報元掌管去

處送納如法愛護椿充後次大禮使用不管稍有損壞
伏乞朝廷詳酌指揮施後批送部依所申施行

淳熙六年四月七日禮部太常寺言勘會已降指揮今
歲明堂大禮令有司除事神儀物諸軍賞給依舊制外
其乘輿服御及中外支費並從省約仍疾速從實條具
聞奏及申尚書省今參酌條具到數目據祇候庫狀契
勘本庫所管冠冕朝祭服並係宰執親王使相文武百
官等行事服著并諸色人法衣等例各累經闕借服著
年深漬污破損內冠冕脫落緋皂履蠹依逐次大禮體
例合行盡數修換雅飾禮部太常寺今從省約欲乞將
見管朝祭服法衣等逐一點檢如有可以服著名件更
不須修換其顏色暗淡即令出染修整或委實破損不

堪供使服著即令修換詔依

六月七日工禮部言准都省批下戶部申祇候庫狀契勘今歲明堂大禮應奉添修事理並係的確排辦數目開具下項 一數內修換荔枝花雙鹿兒腰帶紫羅單旋襪衫等係前郊添修後來累經關借服繫委實不堪合行修換所有禮畢宰執侍從百官并諸色祇應人回鑿并恭謝花朵乞依指揮申牒所屬製造依格給賜一合設皇帝安頓通天冠絳紗袍袞龍服大圭等幕次四處係內中及太廟景靈宮明堂殿乞下臨安府儀鸞司釘設并幕次內及援衛沿路執打紅紗燭籠內點照四兩臘燭共六十條及薰撒皇帝頭冠袞冕禮衣及撒御道生白大片龍腦一十五兩今乞依逐郊已省約定

數目下雜買務收買四兩數蠟燭五十條左藏西庫揀選堪好生白大片龍腦一十二兩供納赴庫使用 一合用進掛御服并進接大圭鎮圭鋪撒繅藉撒御道擡頭冠匣御衣箱官已下八內內侍省差并合用照管慰貼御服熟火乞差翰林司一名就本司闕請熟火并炭齋赴逐幕次內掌管晝夜停留及合用裁縫作二人頭冠腰帶靴履面花稜道雜釘戎具結條作各一名乞下御藥院文思院差撥并擡擎頭冠禮衣等輦官乞下御輦院差撥所有合用供內儀鸞二十人代庫子一十人般擔官物軍兵二十人援衛天武三十六人乞下內東門司差供內儀鸞一十人殿前司差代庫子七人援衛天武三十人般擔官物軍兵一十人並各前期差撥其

合用勅號乞報皇城司關請并工匠頭刃名件及著火
燭去處乞報皇城司關照會放令齋赴逐處入出使用
文思院狀所管工匠不多乞下祇候庫照應前郊大禮
體例報臨安府貼數差撥 一文思院修換駕頭扇篋
事件匣仗腰輿等黃羅綠席褥一副并爭金雞藝人纈
羅襖子及製造納壽聖齊明廣慈太上皇后皇后合用
黃羅表絹夾二副帕一條并皇后投進賀表紅羅絹夾
二幅帕一條共三條及排辦皇太子茶酒等候今降指
揮下日從工部移關戶部行下所屬具實合造物件
數目料造施行詔依九年
做此

中興禮書第六十二卷

吉禮六十二

明堂大樂

樂工供給
約束附給

紹興元年四月三日太常寺言條具到明堂合行事件
自來大禮依議壇殿上設登歌之樂壇殿下設宮架之
樂用樂工二舞五百餘人應奉所有將來大禮欲乞依
望祭禮例止設登歌之樂通作宮架之曲仍令有司預
先取會有頒降大樂州軍取見的實祇備將來供使及
拘收曾經應副樂正赴寺令預定曲譜契勘即日並無
樂工若行召募每月或日支請給必須煩費取自朝廷
指揮詔許拘收樂工如不足即行召募其請給則例令
太常寺開具申書省

五月六日太常少卿蘇遲等言將來明堂大禮用登歌
大樂依自來儀式應奉下項 一逐色名數緣今來外
州軍登歌大樂並無親祠登歌樂器七星九曜又於
宣和元年添用籥色亦不曾頒降若行創造即目別無
制度兼無造作之人今相度欲乞更不用三色匏并籥
及裁減瑟色四人并准備樂工五人外其餘色部及合
用人數並乞依舊施用 一今來明堂大禮登歌除關
器樂及裁減外實用人數編磬祝各一人搏拊二人
一絃琴三絃琴五絃琴七絃琴九絃琴各二人瑟笛各
四人篪二人篳篥和笙各四人塤簫各二人歌四人節
奏樂正二人執麾掌事一人排設掌器二人兼准備共
四十七人詔依

同日太常少卿蘇遲等言勘會將來明堂大禮合用樂
工應奉今拘收召募到樂工等欲比附與支第三等供
官請給每月料錢三貫文米一石每日食錢一百五十
文如拘收原在本寺樂工不足乞令剋刷舊曾係越州
樂工保明開排姓名發遣赴寺試驗收留如不足召募
收補詔依四年七月

六月二十七日刑部言准都省批送下禮部太常寺申
將來明堂大禮樂工不赴教習及不應奉等事乞重立
告賞刑名送部立法申尚書省尋送大禮寺修立下條
太常寺一司勅諸大禮應奉人輒不赴者杖一百諸樂
工避免不赴教習者笞五十看詳樂工不赴應奉者除
已有應奉人輒不赴杖一百刑名已重更不須別立罪

賞外今來所乞樂工避免不赴教習及輒投他處者理宜增重內避免不赴教習者今檢坐到本條內不赴教習字下落去答五十字却改作杖六十字并于大禮應奉人輒不赴者杖一百字下添入內樂工輒投他處者加一等許人告計一十四字賞錢一十貫合入太常寺一司賞格係創立所據大理修立到前件條格本部看詳已當欲依本寺修立到事理施行詔依

八月十日禮部太常寺言契勘將來明堂大禮排設大樂應奉合用樂正二人樂工掌事掌器四十五人並合在殿上祇應所有裝著法衣自來樂正服絳公服樂工掌事掌器服緋繡鸞衫介幘抹帶供官自來服緋純衫係給帶新制勅入壇殿黃方號其樂工等與供官應奉

事體一同今欲乞依供官例闕借入壇殿勅號給帶入殿應奉詔依

九月十七日戶部言准批送下禮部狀太常寺樂正等乞依自來體例遇大禮支給樂正樂工淨衣一套劄付禮部勘當申尚書省尋下太常寺勘當樂正樂工合著淨衣昨揚州委是曾經請令批送戶部開具合支數目申本部契勘今來即無許支條法指揮詔樂正二人各支錢一十貫樂四十二人各支錢五貫

言樂工應奉明堂大禮登歌通作宮架樂續降指揮就章運譜究心習學契勘依祖宗舊制登歌樂工支錢五貫今乞更不支錢止每名支絹二匹樂工每名支絹一匹並令戶部日下支給

四年四月十六日臣僚上言明堂大禮合行禮儀望詔

三省俾有司叅酌損益務崇簡儉勿為無益徒有耗費
詔令禮部太常寺條具聞奏今條具裁省事件數內依
議合設宮架之樂竊慮無諳曉音律人匠可以製造欲
乞權依紹興元年禮例令登歌通作宮架之曲若不設
宮架其三色匏并簫亦不合排辦及減太常卿協律郎
祭服二副樂工衫幘二百九十四副詔依

九年十月十三日太常少卿蘇攜等劄子將來紹興十
年行明堂大禮依儀合用登歌大樂并宮架樂舞除登
歌大樂已備外見闕宮架樂舞竊緣外路州軍先有頒
降到登歌大樂一副今相度乞下兩浙等路轉運司各
於所轄州軍剡剞應見管大樂開具名色申朝廷行下
本寺照使劄付兩浙江東西福建路廣南東路轉運司

依劄子內所乞事理施行

十年五月十八日太常丞周執羔等言將來明堂大禮
依已降指揮用宮架二舞契勘二舞係于殿前司差借
鈞容直其差借人全賴本寺舊人指教習學舞儀兼舞
色合有色長今踏逐到殿前司後軍第一將下掌管醫
學任道係前大晟府二舞色長深知舞象舞儀乞令本
軍權行發遣赴寺充舞色色長省記明堂大禮并朝獻
景靈宮朝饗太廟合用舞象舞儀教習詔依

七月九日太常少卿陳楠等言檢會紹興七年明堂大
禮止用登歌樂依舊例前期五使于尚書省按閱今來
明堂大禮係用登歌宮架二舞其登歌樂合設于堂上
宮架樂合設于堂下二舞立于宮架之前今相度將來

五使按樂乞就法會寺依儀排設所有按閱幕次什物
等令儀鸞司同臨安府隨宜排辦詔依

八月二十三日禮部太常寺言太常博士周林劄子竊
見堂上堂下樂工搏拊琴瑟笙簫塤篪祝敔等皆是就
地坐而作樂唯有鍾磬樂工設木几并交床子千副作
坐具竊恐未為允當契勘今來大禮席地鋪設神位兼
係親行酌獻慮不應義理雖已一面勒令教習鍾磬樂
上立地考擊外緣未有明降指揮未肯確然遵守後批
送禮部同太常寺看詳申尚書省今看詳欲依所乞施
行詔依

九月二十二日明堂大禮合用登歌宮架二舞執色人
數下項登歌樂樂正樂工並依元年至七年人數宮架
樂樂正二人歌十人笛塤篪篳篥笙簫各六人編鍾編磬
各八人一絃琴三絃琴五絃琴七絃琴九絃各二人瑟
六人祝敔二人鼓十三人掌事掌器四人二舞引舞色
長二人旌纛單鼗鼓相鼓雅鼓金鉦各二人金鐃四人
鏡鈴單鐸震鐸各二人舞師六十四人各執羽籥至換
舞各執干戚

三十一年八月四日禮部太常寺言准六月二十三日
指揮明堂大禮登歌宮架二舞樂工並日下權住今契
勘將來朝獻景靈宮朝饗太廟親行大饗之禮各合用
樂舞備而不作所有登歌宮架二舞樂工並合依儀執
色祇應合前期點集趁赴受誓戒習儀各前一日赴逐
處點饌點名宿齋各人並合破勅入壇殿號服著法衣

依例關報所屬關請施行詔依

淳熙六年四月七日禮部太常寺言昨淳熙三年郊祀

大禮排設圓壇登歌宮架大樂并望祭殿登歌樂如遇

臨時望祭將登歌樂通作宮架之曲今來明堂大禮係

于明堂殿行禮其登歌宮架大樂並合于明堂殿排設

作樂應奉施行詔依合用登歌如郊祀之數

八月二十七日尚書省劄子勘會凡遇大禮五使按雅

樂及嚴更觀警場于貢院奉詔今後令將樂器等于貢

院依堂上堂下儀制排設五使及應赴官從旁立觀按

試仍聽往來巡視候禮畢逐幕賜食酒先是五使禮部

院按雅樂依例主管所排賜酒食按至皇帝詩飲福位

一曲請五使已下升立席俟曲畢再生時大禮使右丞

相趙鼎謂樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

生獨飲福樂曲始至皇帝奠玉帛及獻酌曲五使以下皆

降此

九年七月二十九日禮部太常寺言檢准淳熙六年八

月二十六日已降指揮凡遇大禮五使按雅樂及嚴史

警場于貢院今將樂器等于貢院依堂上堂下儀制排

設五使及應赴官從旁立觀按試仍聽往來巡視候禮

畢逐幕賜酒食今檢照明堂行禮儀注太常設登歌之

樂于堂上前楹間稍南北向設宮架于庭中所有今來

明堂大禮按雅樂從前項指揮儀制將樂器于貢院分

堂上堂下排設欲乞是日五使及應赴官分作兩次按

試仍乞令都大主管所行下諸司候禮畢逐幕賜酒食

其合用嚴更警場鼓吹係于麗正門并太廟櫺星門內

外排設喝探更籌鳴金鉦鼓角振作鼓吹及于儀仗內

分前後部導引所有五使按試嚴更警場鼓吹欲乞從
逐次大禮體例施行詔依

中興禮書第六十三卷

吉禮六十三

明堂樂曲樂章

紹興元年七月禮部太常寺言據樂正申將來明堂合
用樂曲節次逐一用歌管色按得委是聲律和協伏乞
朝廷下學士院製撰樂章預行降下教習詔依

皇帝入門黃鐘宮儀安

降神夾鐘宮誠安

降神黃鐘角誠安

黃 沽 蕤 林 蕤 沽 黃 太 蕤 林 蕤 沽 沽 太 沽 黃
黃 南 太 黃 應 南 黃 沽 太 黃 沽 南 蕤 林 太 沽 黃
夾 林 南 林 蕤 林 蕤 黃 太 蕤 林 蕤 沽 太 沽 黃
太 夾 林 無 南 林 蕤 黃 夾 太 夾 仲 林 林 黃 林 仲 無 夾

姑 黃 應 南 應 南 太 黃 蕤 姑 蕤 姑 林 南 南 黃
姑 南 南 林 蕤 林 黃 姑 應 南 黃 林 蕤 姑

降神太簇徵誠安

南應太太
大應太太
南應南應
太應太應
姑太姑
太應太應
南應南應

降神姑洗羽誠安

太夷
大夷
太夷
姑夷
太夷
姑夷
太夷
姑夷

升堂大吕宮儀宮

大仲夷
大仲夷
大仲夷
大仲夷
大仲夷
大仲夷
大仲夷
大仲夷

上帝位奠玉幣大吕宮鎮安

太仲夷
大仲夷
太仲夷
大仲夷
太仲夷
大仲夷
太仲夷
大仲夷

皇地祇位奠玉幣應鐘宮嘉安

應夷
大夷
應夷
大夷
應夷
大夷
應夷
大夷

太祖位奠幣大吕宮信安

大仲夷
大仲夷
大仲夷
大仲夷
大仲夷
大仲夷
大仲夷
大仲夷

太宗位奠幣大吕宮恭安

大仲夷
大仲夷
大仲夷
大仲夷
大仲夷
大仲夷
大仲夷
大仲夷

盥洗黃鐘宮儀安

黃姑
黃姑
黃姑
黃姑
黃姑
黃姑
黃姑
黃姑

尚書捧俎黃鐘宮饗安

黃姑
黃姑
黃姑
黃姑
黃姑
黃姑
黃姑
黃姑

上帝位酌獻大吕宮慶安

大仲夷
大仲夷
大仲夷
大仲夷
大仲夷
大仲夷
大仲夷
大仲夷

皇地祇位酌獻應鐘宮光安

應夷
大夷
應夷
大夷
應夷
大夷
應夷
大夷

太祖位酌獻大吕宮孝安

大仲夷
大仲夷
大仲夷
大仲夷
大仲夷
大仲夷
大仲夷
大仲夷

太宗位酌獻大呂宮英安與太祖位

大仲林仲大無夷無黃大仲夾大仲大夷林仲無仲夾大

皇帝還版位黃鐘宮儀安與前入門同

黃姑蕤林蕤姑黃太蕤沽蕤林沽太黃姑南蕤林太黃姑黃黃南太黃應南蕤林南林黃太應南姑南太

皇帝還小次黃鐘宮儀安與前同

黃姑蕤林蕤沽黃太蕤沽蕤林沽太沽黃黃南太黃應

南黃姑大黃姑南蕤林太黃

亞獻黃鐘宮穆安

黃南太姑黃沽太黃應南蕤林南林黃太應黃姑南太

黃姑太蕤姑林南姑蕤林黃

終獻黃鐘宮隆安與亞

黃南太姑南姑太黃應南蕤林南林黃太應南姑南太

黃姑太蕤姑林南姑蕤林黃

皇帝飲福酒大呂宮俎安

大無夷仲林仲夷無夾大仲夷夷仲夾仲黃大林仲夷仲大夾無大仲無夾仲夾大

尚書徹豆大呂宮歆安

大仲夾夷黃仲夷夾大夷無夷大無夾大大仲夾夷林夷林仲夾大仲夷夾仲夷大

送神夾鐘宮誠安

夾林南林黃夾仲夾林無夾黃南林黃無黃太南林林太南林夾林仲林夾黃仲夾

望燎黃鐘宮儀安與前入門同

黃姑蕤林蕤姑黃太蕤林蕤姑姑太姑黃黃林太黃應

南黃姑太黃姑南蕤林太黃

望瘞太簇宮儀安

太姑太蕤應夷蕤南蕤南大應沽太沽蕤南蕤應南沽
蕤南太南蕤南應太應沽太

皇帝還大次黃鍾宮憇安

黃南林姑林姑南林應南蕤林蕤姑太姑姑太南林林
黃姑林南南蕤太姑姑太黃姑林南太黃

二十一日御封付下翰林學士汪藻進呈明堂大禮樂
章付寺教習

皇帝入門黃鍾宮儀安之曲

惟我有宋昊天天子之三年卜祀百世承基施及冲渺奉
牲以祠敢忘齋栗徧舉上儀

降神夾鍾宮誠安之曲

噫神夾鍾宮誠安何親惟德是輔玉牲具陳誠則來顧
我開明堂遵國之故尚蒙居歆以篤終祐

升堂大呂宮儀安之曲

於赫明堂肇稱禋祀祖宗來存亦侑于帝九州駿奔百
辟咸事歆時純休錫我萬世

上帝位奠玉幣大呂宮鎮安之曲

皇皇后帝周覽四方眷我前烈宴娛比堂金支秀發黼
帳高張世歆明祀曰宋是常

皇地祇位奠玉幣應鍾宮嘉之安曲

至哉坤元持載萬物繼天神靈觀世治忽頌祇之堂荐
以圭黻孰為邦休四海無拂

太祖位奠幣大呂宮信安之曲

推尊泰元重屋為盛誰其配之我祖齊聖開基握符正位凝命於萬斯年孝孫有慶

太宗位奠幣大呂宮恭安之曲

帝神來格靡祀不從侑坐而食獨升祖宗在廷祇肅展案錯重三獻之禮百年之容

盥洗黃鍾宮儀安之曲

肇開九筵維古之倣皇皇大神來顧來享庶儀交修百辟顯相徵誠自中交際天壤

尚書捧俎黃鍾宮饒安之曲

展牲登俎蕭韶在庭差陳五室意徹三靈匪物斯饗惟誠則馨永作祭主其億寧

上帝位酌獻大呂宮慶安之曲

日在東陸時惟上年肇開陽館恭禮尊神蒼玉輝夜紫烟煬晨祖宗並配天地同禋

皇地祇位酌獻應鍾宮光安之曲

地異泰折歌同我將勳牲純潔絲竹發揚博厚而久舍洪以光扶持宗社日篤不忘

太祖位酌獻大呂宮孝安之曲

一德開基百年垂統中天禘郊薄海朝貢寶龜相承器鼎加重澤深慶綿帝復命宋

大宗位酌獻大呂宮英安之曲

紹天承業繼世立功帷幄屢勝車書始同武掃氛霧文垂日虹遺澤所及孰知其中

皇帝還板位黃鍾宮儀安之曲

耳聽銅玉目瞻煥珠樂備周奏儀參漢圖神人並況天
天同符亦既見帝皇心則愉

皇帝還小次黃鍾宮儀安之曲

匏尊既舉鞞席未移有德斯顧靡神不娛物情肅穆天
宇清夷宅中受命永復邦基

亞獻黃鍾宮穆安之曲

四阿有嚴神既戾止惟物雖儀潔誠惟已有來振振相
我熙事載酌匏陶以成庶祀

終獻黃鍾宮隆安之曲

誠一為專禮三而稱孰備辨祠惟我同姓金絲屢調圭
玉交映是謂熙成福來神聽

皇帝飲福酒大呂宮昨安之曲

孰謂天遠至誠則通孰謂地厚與天則同惠我純嘏克
成大功握圖而治如日之中

尚書徹豆大呂宮歆安之曲

工祝告休笙鏞云闋既茅既除牲俎斯徹幽明罔悃中
外咸悅禮成伊何天地同節

送神夾鍾誠安之曲

奕奕宗祀煌煌禮文高靈下墮精意升聞熙事既畢忽
乘青雲敢拜明况永清世氛

望燎黃鍾宮儀安之曲

載酌載獻以純以精歌傳夜誦物備秋成報本斯極聽
卑則明願儲景况福我羣生

望瘞太簇宮儀安之曲

禮叶豐融誠交放悲辟公受膳宗祝臨瘞貽我來麩以
興嗣歲山川出雲天地通氣

皇帝還大次黃鍾宮憩安之曲

應天之實已事而竣禮案朝帝行宮拜神靈光下燭協
氣斯陳福祿時萬基圖日新

七年五月七日禮部太常寺言契勘朝獻景靈宮依已

降指揮用登歌大樂應奉所有合樂用章令太常寺開

具樂曲申學士院製撰于五月內降付本寺運譟教習

施行詔依

二十二日學士院准內降封下明堂大禮前二日朝獻

景靈宮前一日朝饗太廟樂曲樂章

內明堂行禮樂章
樂曲與元年同

景靈宮

降聖太安之樂六變

圓鍾為宮三奏

德惟馨香升聞八方粵神從之燦然有光駭飛乘蒼秋
秋踰踰湏搖從容

夾林南林黃無夾黃夾林仲夾夾仲無黃太黃南林無
林無黃南林黃無顧予不忘黃林仲夾

黃鍾為角一奏

樂前章

始南應南黃南太黃應南蕤林林南黃始蕤林應南林
始南林南應南林黃林蕤始

太簇為徵一奏

樂前章

南應夷蕤大蕤應夷應大南蕤大蕤夷應大應南蕤夷

蕤應南大應南蕤姑應夷南

始洗為羽一奏

樂章同前

大夷無夷大蕤無夷大無夷蕤大夾夷無夾大應夷夷
蕤無夷無應無夷姑應夾大

皇帝詣盥洗黃鍾宮乾安之曲

維皇齋居承神其助顯顯昂昂龍步雲趨華光爛如精
明之符注茲酌茲

黃姑蕤林蕤沾南林蕤林蕤姑姑太南林黃南黃姑黃
南太黃林南應南神人用孚南姑太黃

皇帝升殿大呂宮乾安之曲

帝既臨享龍華耀孝孫承之陟降在廟誠意上交慶陰
下冒天休駢至

大仲林仲無仲夷大仲無林夷林仲大夾夷大仲無夷
無夾仲黃無林仲千億克紹夷無夾大

皇帝詣祖位奉玉幣大呂宮靈安之曲

玉氣如虹豐繒充筭既奉既將亦奠在位有來羣后實
相祀事何以臨下大仲無夷林夷林仲仲夾夷無黃大
夾仲夷仲無夷林仲夾仲大無夷大心意不貳無仲夾
大

奉饌黃鍾宮吉安之曲

瓊琚將鏘元衣繡裳薦嘉升香粢盛芬芳禮儀莫愆鼓
鍾煌煌曾孫之常

黃姑應南蕤林姑林南林應南蕤姑林南黃姑林南大
黃應

原本 綏福無疆

寶壽堂
皇帝詣聖祖位酌獻大呂宮祖安之曲

裴回若留靈其有喜薦我馨香挹茲酒醴我祖在天執
道之紀申佑無疆

大大林夷黃無夾仲林夷大無仲無夾大林仲夷無林
仲無夷林仲黃無奉神稱禮夷無夾大

亞獻黃鍾宮冲安之樂

終獻同

五音飭奏神既億康澹其容與薦比嘉觴有來顯相銷
玉鏘鏘奉承若宥

黃姑南林南林黃姑姑南應南黃林蕤姑林南蕤林黃
南太黃太姑南林罔不齊莊南沽大黃

皇帝飲福酒大呂宮報安之曲

於赫大神總司元化監我純精威光來下延昌之貺千

億馮藉曾孫保之

大夾大夷夷仲無夷夷無仲夾黃無夾大黃無林仲夷
仲無夷夷無大仲丕平是迓林仲夾大

徽饌大呂宮吉安之曲

洋洋降臨肅布列熙事既成嘉邁告徹九天儲佑無缺
寢明寢昌

大夾仲夷林仲無夷黃無林夷夷仲夾大夷仲黃無林
仲夷無仲無夾仲綿綿瓜瓞無仲夾大

送真園鍾宮太安之曲

高飛安翔持御陰陽幽贊圓穹監觀四方元精回復奄
虞孔享畢觴降嘏

夾林南林黃夾仲夾無林太黃仲林無黃太黃南林無

林黃無南無夾林偃蹇于驤太黃仲夾

皇帝詣望燎位黃鍾宮乾安之曲

奕奕原同有嚴絜祀禮儀孔宣燔燎斯暨帝心肅祇天
步旋止熙事既成

黃姑應南林南太黃林南蕤姑南姑太黃林南太黃應
南蕤姑太黃姑南永膺蕃祉林南太黃

太廟

皇帝入門無射宮乾安之曲

於皇我后祇戒專精齋肅有容祖考是承造次匪懈孝
思純誠神聽有格

無南無仲林仲無黃南林沽仲姑太仲無太仲林仲仲
林黃無南林姑太福祿來寧太林黃無

皇帝升殿夾鍾宮乾安之曲

肅齋清宮頌珠照幄神之來思八音振作赤舄龍章奉
玉維恪匪今斯今

夾無南林無林黃夾南林無黃太黃夾仲仲夾無林仲
林仲夾無林黃無先民時若黃林仲夾

皇帝盥洗無射宮乾安之曲

於皇維后觀盥之初精意昭著既順既愉圭鬯承祀卿
士咸趨目視心化

無南無仲林仲黃無太太林仲林仲林無林仲姑仲無
太南林姑仲姑太四方其享太仲黃無

迎神奏興安之曲九成黃鍾為宮三奏

涓選休成祖考是饗夙夜專精求諸惚恍洋洋在上惟

神之仰鬯矣清明

黃姑林南南姑太姑南黃姑大黃南太黃南林黃姑應
南蕤林太黃蕤姑應之如饗太姑林黃

大呂為角二奏樂前章

仲夷無太黃南林黃無大無夷大無林仲黃無大仲夷
仲無夷大夷無夷大無夷仲

太簇為徵二奏樂前章

南應南蕤應蕤姑蕤應大蕤姑太應南蕤應夷大蕤應
南夷南蕤南大應大應夷南

應鍾為羽二奏樂前章

夷蕤無夷應夾蕤夷夷蕤大應應蕤夾大應夷大仲夷
蕤無夷大蕤大無夾蕤應夷

捧俎無射宮豐安之曲

來相于庭鳴錡錡奉牲而告登彼雕房非牲之備民
庶是康神依民聽

無仲南林南林黃無無黃無林太林黃無南林姑仲姑
太仲林無林姑太上帝斯皇仲林黃無

皇帝詣僖祖室酌獻無射宮基命之樂

何慶之長實兆于商由商大戊子孫其昌皇基成命宋
道用光詒厥孫謀

無大南林林仲黃無南林姑仲林仲黃無南無南林林
仲林無南林沽仲膺受四方無太仲無

皇帝詣翼祖室酌獻無射宮基命之樂

上帝監觀惟仁是依繼世修德皇心顧之其顧伊何在

彼冀方施於子孫

無仲南林林仲林南姑仲南林意無黃太太黃太無太
仲林南無林姑太降福穰穰仲林黃無

皇帝詣宣祖室酌獻無射宮天元之樂

昭哉皇武駿發其祥彫戈圭瓚盛烈載揚天錫寶符俾
熾而昌神聖應期

無大仲林仲林黃無太黃無太太仲林無姑太林仲黃
無黃太無林姑仲赫然垂光仲林黃無

皇帝詣太祖室酌獻無射宮皇武之樂

猗歟皇祖下民攸歸膺帝之命龍翔太微戎車雷動天
地清夷峨峨奉章

無南無太太仲林仲南林姑太林仲姑仲無林黃無沽

仲南林無林仲南萬世無違仲無黃無

皇帝詣太宗室酌獻無射宮大定之樂

煌煌神武再御戎軒時惠南土旋定太原車書混同聲
教布宣維天祐之

無皇無太仲林黃無姑仲姑太南林仲南黃無黃太無
太仲林林仲姑仲億萬斯年太仲黃無

皇帝詣真宗室酌獻無射宮熙文之樂

於皇真宗體道之崇遊心物外應迹寰中四方既同化
民以躬清淨無為

無為林黃太南林黃無南林無太姑太林仲太林仲無
南無南林無林姑太盛德之容仲林黃黃

皇帝詣仁宗室酌獻無射宮美成之樂

仁德如天徧覆無偏功濟恩涵八埏齊民壽康朝野晏
然擊壤歌謠

無大南林仲林黃無姑仲姑太仲太南林南無黃太無
無太仲林姑太林仲酌之欣欣仲林黃無

皇帝詣神宗室酌獻無射宮太明之樂

烝哉維后繼明體神憲章文武宜民宜人經世之道功
格于天子孫嚴祀

無林姑仲太林仲南姑林姑仲無黃無太姑太林仲林
仲黃無無黃無林無窮之傳無林黃無

皇帝詣誓哲宗室酌獻無射宮重光之樂

明哲煌煌照臨無疆丕承先志嘉靖多方朝廷尊榮黎
庶樂康珍符來應

無太南林太仲林無南林姑仲林仲黃無姑太林仲黃
太姑仲南林錫茲重光仲林黃無

亞獻無射宮正安之樂

威神在天來格于誠既載清酌有聞如聲相予熙事時
賴宗英肅肅雝雝

無林無大南林黃無太仲南林黃無黃太太仲林仲無
太南林無林姑太允協思誠林仲黃無

終獻無射宮正安之樂

疏冪三舉誠意一純孰陪予祀公侯族振振明靈來娛
樂舞具陳奉神祈祐

無仲南林太林黃無姑林仲姑林林仲南無黃太南林
仲林仲林姑昭孝息民林仲黃無

皇帝飲福酒夾鍾宮僖安之曲

赫赫明明德與天通施于孫子福祿攸同日靖四方民
和年豐有秩斯祐

夾夾南林林仲黃無太黃無林無林仲夾夾黃仲林無
林黃無南無南林申錫無窮夾黃仲夾

徹豆夾鍾宮豐安之曲

歆我齋明威德如存牲牲是饗圭玉其溫群公執事亦
既駿奔禮成告徹

夾無南林無林仲夾無黃夾林無林黃無夾黃林仲無
林無黃南無夾林威福黎元太黃仲夾

送神奏黃鍾宮興安之曲

神之來游風馬雲車奄留放悲顧瞻歆歆神之還歸鈞

天帝居監觀於下

黃林蕤姑林姑南林應南蕤林南林姑太林南太黃應
南黃姑太姑南林何福不除南姑太黃

皇帝還大次無射宮乾安之曲

神明既交恍若有承欽翼齋莊福祿具膺王業是興祖
武是繩佑我億年

無黃仲林仲林黃無無林大黃南林仲無南林姑仲黃
無黃太太林姑仲以莫增太林黃無

二十八日翰林學士知制誥兼侍讀兼資善堂翊善朱
振給事中兼直學士院胡世將言准尚書省劄子太常
黃積厚言將來明堂大禮前一日皇帝請太廟行朝饗
之禮依儀每室各有酌獻之樂其樂曲名並以原廟殿

名為樂曲之名所有道君皇帝室酌獻未樂有曲今欲
乞朝廷差官先置原廟殿名仍令學士院依殿名製撰
樂曲前期降付本寺教習詔道君皇帝原廟殿名并樂
曲並令學士院製撰餘依今撰到道君皇帝神御殿名
欲以承元殿為名詔恭依

徽宗室酌獻承元之樂


聖考巍巍光紹丕基禮隆樂備時維純熙天仁兼覆皇
化無為功成弗處

無太南林南林黃無大林姑仲黃無黃太姑仲林仲南
林黃無姑仲姑太心潛希矣太無黃無
九月四日禮部太常寺言已降指揮將來明堂大禮車
駕詣太廟行禮學士院撰到徽宗室作承元之樂緣今

來大君皇帝神主未經祔廟欲乞至日依建炎二年禮
例止詣顯恭皇后室行禮作慈安之樂詔依

是年十月二日徽宗廟主

十年六月六日禮部太常寺言契勘將來明堂大禮前
二日朝獻景靈宮前一日朝饗太廟其登歌宮架合用
樂章除已有紹興七年撰到樂章更不須改撰



Blank manuscript page with vertical ruling lines. Faint text is visible in the left margin, including characters like "卷之六" (Volume 6) and "第...頁" (Page...). The main body of the page is empty.

寶
金
方
室

書